

## მცხეთობა-სვეტიცხოვლობა

გუშინ საქართველოში მცხეთობა - სვეტიცხოვლობა აღინიშნა. "კვართისა საუფლოსა და სვეტისა ღმრთივბრწყინვალისა და მირონმდინარისას" დღესასწაულთან დაკავშირებით, სრულიად საქართველოს კათოლიკოს-პატრიარქი ილია მეორე სვეტიცხოვლის საკათედრო ტაძარში საღვთო ლიტურგიას დილიდან ასრულებდა. სპეციალურად გუშინდელი დღისთვის მღვდელმსახურები, ბერმონაზვნები და მორწმუნეები სხვადასხვა კუთხიდან ჩამოვიდნენ.



გაზრქობა  
მე-2 გვერდზე

## განმეორებითი არჩევნები, საბოლოო შედეგების გამოცხადებამდე

გუშინ 11 საარჩევნო უბანზე განმეორებითი მაჟორიტარული არჩევნები ჩატარდა. აქედან ხაშურის 9 უბანზე (№1, №2, №3, №8, №9, №10, №13, №45, №46) კენჭისყრას ფორმალური ხასიათი ჰქონდა. გაბათილებული უბნების შედეგების გათვალისწინების გარეშე ბლოკ "ბიძინა ივანიშვილი - ქართული ოცნების" მაჟორიტარი კანდიდატი ვალერი გე-

ლაშვილი კონკურენტს "ნაციონალური მოძრაობიდან," სერგო (ბაჩო) ქიტიაშვილს ისედაც 4 069 ხმით უსწრებდა. ამას ქიტიაშვილის გადანაცვებულმა დამატარებელმა კიდევ პარლამენტის მოქმედმა წევრმა ოპონენტის მხრიდან გამოვლენილი ძალადობის მოტივით კანდიდატურა მოხსნა.

გაზრქობა  
მე-2 გვერდზე

## სირია რუსულ კასტურ ბომბებს იყენებს



ხათუნა ბაბიუჩი

სირიამ თურქეთის სამოქალაქო რეისები შეზღუდა საკუთარ საჰაერო სივრცეში, თუმცა თავად ოფიციალურ ნაკარას სირიის საჰაერო სივრცით სარგებლობაზე თავადვე ჰქონდა უარი ნათქვამი, მით უფრო ბოლო დროს გამწვავებული ურთიერთობების ფონზე. დამასკო კი თავის გადანაცვებულ იმ ფაქტით ხსნის, რომ თურქეთმა მოსკოვი-დამასკოს რეისზე რუსული წარმოების იარაღი აღმოაჩინა, რომელიც ასადის რეჟიმისთვის იყო განკუთვნილი.

გაზრქობა  
მე-5 გვერდზე

## თელავის ფესტივალის ბრძანება



სოფიო ნემსაძე

27 სექტემბერს თელავის სახელმწიფო დრამატულ თეატრში, "კლასიკური მუსიკის დაცვის, განვითარებისა და პოპულარიზაციის ცენტრის" ორგანიზებით "მუსიკის საერთაშორისო ფესტივალი" დაიწყო.

ფესტივალის დამფუძნებელი და გენერალური სამხატვრო ხელმძღვანელი ცნობილი ქართველი პიანისტი ელისო ვირსალაძეა. რომლისთვისაც ეს წელი საიუბილეოა. სწორედ ამიტომ მცირე პაუზის შემდეგ განახლებული ფესტივალი ელისო ვირსალაძეს მიეძღვნება.

გაზრქობა  
მე-9 გვერდზე

1 აშშ დოლარი	1.6606\$
1 ევრო	2.0826\$
1 ინგლისური გირვანკა	2.6294\$
1 თურქული ლირა	0.9089\$
100 რუსული რუბლი	5.1422\$

თბილისი	28°C - 19°C
ქუთაისი	27°C - 18°C
თელავი	28°C - 14°C
ზუგდიდი	27°C - 18°C
ბათუმი	24°C - 19°C

ნავთობი	3.17	+0.04	+1.25%
გაზი	2.79	+0.04	+1.40%
ოქრო	1,689.30	+32.20	+1.91%
ხორბალი	890.50	-12.50	-1.40%

## "იბარია-სტარი" ოთხთა ფინალშია



აუგუსტომ დუბლი შეასრულა

## მდუმარა, რომელმაც ქალიან ბავრი თქვა

ლიტერატურის დარგში ნობელის პრემიის ახალი ლაორეატი მათ იანი არც ერთ პარამეტრში არ ჯდება: დემოკრატიული საზოგადოების მიერ ჩინური პოლიტიკური სისტემის მწვავე კრიტიკის მიუხედავად, იგი სახელისუფლებო მწერლად რჩება.

2012 წლის გერმანიის ნიუნის ბაზრობის მშვიდობის პრემიის მფლობელი, ჩინელი მწერალი ლიან ივუ ალშოფოთებას ვერ მალავდა რამდენიმე დღის წინ ფრანკფურტში, სადაც მას მშვიდობის პრემია გადასცეს: არ მესმის, როგორ შეიძლება ამ პრემიის გადაცემა სახელისუფლებო მწერლისათვის. სულ მთლად დავიბენი, რომ ფასეულობათა სისტემა დასავლეთში ასეთი დიფუზიურია! ჩინეთი დიქტატურაა, სადაც ყოველ მწერალს ევალება, მხარდამჭერად ჰყავდეს საკუთარ სინდისსა და მორალს. მოიანმა ორიოდე თვის



წინ ორგანიზება გაუკეთა ერთ პოეტურ კრებულს, სადაც 100-მდე სახელისუფლებო პოეტმა სხვა არაფერი გააკეთა, თუ არა მათ დუნის ნაწერების გადანერა. მო იანი ასევე მზადაა, დაივიწყოს 1989 წლის 4 ივნისის მონყობილი სასაკლავო ტიან ანმენის მოედანზე.

ლიან ივუს თქმით, მო იანს შეუძლია, თავის ნაწერები მაღალი ლიტერატურული სტანდარტებით წარმოაჩინოს, მაგრამ მის ნამუშევრებს არანაირი კავშირი არ აქვს ჩინეთის ისტორიასთან და, უპირველეს ყოვლისა კი, სიმართლესთან.

გაზრქობა  
მე-9 გვერდზე

"24 საათის" ელექტრონული ვერსია იხილეთ Web-გვერდზე [www.24saati.ge](http://www.24saati.ge)  
ჩვენი პარტნიორები:

**თიბისი ბანკი**  
TBC BANK  
ჩვენ ვაძლიერებთ ერთმანეთს

**FM 102.4**  
საბავშვო სარადიო-ტელევიზიონო სადგურო

**ბანკი კონსტანტა**  
BANK CONSTANTA

ISSN 1987 9121

9 771987 19121001

### “საპარლამენტო არჩევნების შემდგომი პოლიტიკური პროცესები და სამომავლო პერსპექტივები”

დღეს, “აღმოსავლეთ პარტნიორობის სამოქალაქო საზოგადოების ფორუმის საქართველოს ეროვნული პლატფორმა”, ევროკავშირის მხარდაჭერით, მართავს კონფერენციას თემაზე: “საპარლამენტო არჩევნების შემდგომი პოლიტიკური პროცესები და სამომავლო პერსპექტივები”. ორგანიზატორების ინფორმაციით, საქართველოს ეროვნული პლატფორმა, რომელიც წარმოადგენს სამოქალაქო საზოგადოების ორგანიზაციების ყველაზე დიდ გაერთიანებას საქართველოში, კონფერენციაზე იწვევს საპარლამენტო პოლიტიკური პარტიების, საერთაშორისო ორგანიზაციებისა და დიპლომატიური კორპუსის წარმომადგენლებს.

არჩევნების შემდგომ პირველად, ამგვარ ფორმატში განიხილება ხედვები მიმდინარე პოლიტიკურ პროცესებსა და დემოკრატიის კონსოლიდაციისათვის გადასადგმელ ნაბიჯებთან დაკავშირებით. კონფერენციაზე ასევე განიხილავენ საპარლამენტო ძალებს შორის ურთიერთობებისა და თანამშრომლობის ფორმატთან დაკავშირებულ საკითხებს, უახლოეს მომავალში პოლიტიკური დღის წესრიგის პრიორიტეტულ ამოცანებს და სამოქალაქო საზოგადოების ჩართულობის სტრატეგიას, ასევე, საერთაშორისო თანამეგობრობის, დონორების და პარტნიორების პრიორიტეტებს და მიდგომებს.

კონფერენციაზე მომხსენებლების სტატუსით სამოქალაქო საზოგადოების წარმომადგენლებთან ერთად, მონაწილეობას მიიღებენ კოალიცია “ქართული ოცნების” წარმომადგენელი დავით უსუფაშვილი და “ერთიანი ნაციონალური მოძრაობის” ნევი - გიორგი ბარამიძე. ასევე, საქართველოში ევროკავშირის წარმომადგენლობის ხელმძღვანელი ფილიპ დიმიტროვი, ამერიკის შეერთებული შტატების ელჩი რიჩარდ ნორლანდი და შვეიცარიის ელჩი გიუნტერ ბეჰლერი.

კონფერენცია სატუმრო “ქორთიარდ მარიოტში” გაიხსნება.

## მცხეთოზა-სვეტიცხოვლოზა

პირველი გვერდიდან

რიგით მოქალაქეებთან ერთად, ტაძარში იმყოფებოდნენ საზოგადოებისთვის ცნობილი სახეები. მათ შორის, საქართველოს პირველი ლედი სანდრა რულოვსი, თბილისის მერი გიგი უგულავა, ასევე, პრემიერობის კანდიდატი ბიძინა ივანიშვილი - ოჯახთან და თანაგუნდელებთან ერთად.

კოალიცია “ქართული ოცნების” ლიდერმა ბიძინა ივანიშვილმა საქართველოს მოსახლეობას მცხეთოზა და სვეტიცხოვლოზა მიულოცა. ივანიშვილი სვეტიცხოვლის ეზოში შეკრებილ მრევლს გაესაუბრა და ქვეყნის წარმატება და წინსვლა უსურვა.

წირვის დასრულების შემდეგ, ილია მეორემ მრევლს ტრადიციული ქადაგებით მიმართა და დღესასწაული მიულოცა. მან სრულიად საქართველოს უსურვა, სვეტიცხოვლის მადლი და უფლის კვართი ფარავდეს მთელ ქვეყანას.

**“დღეს ჩვენ აღვავლენთ ლოცვებს, რათა უფალმა ძალი ერსა თვისსა მოსცეს და აკურ-**

**თხოს ერი თვისი მშვიდობით. ჩვენ გვჭირდება სულიერი ძალა, სიყვარული, სასოება, იმედი ღვთისა, ადამიანისა და მომავლისა. მრავალჯერ ყოფილა საქართველო განსაცდელში და უფალს და ყოვლადწმიდა ღვთისმშობელს უხსნია ამ განსაცდელისგან. არ უნდა შეგვეშინდეს განსაცდელისა, უნდა გვახსოვდეს, რომ განსაცდელს უფალი მას უგზავნის, ვინც უყვარს და საქართველო არის ქვეყანა, რომელსაც უფალმა განსაკუთრებული მადლი მიანიჭა. რომელი ქვეყანაა ისეთი, რომ ამდენი სინამდვილე ჰქონდეს. აქ არის წმინდა ნაწილები, რომელიც ეკუთვნოდა წმინდა მეფე დავით აღმაშენებელს. როცა ჩვენი მეფეები და დიდებულნი საზღვარგარეთ მიდიოდნენ, მიჰქონდათ წმინდა ნაწილები, იმიტომ, რომ გრძნობდნენ მათ შემწეობასა და წყალობას. დღესაც ამბობენ უცხოელები, რომ განსაკუთრებით იზრდება სარწმუნოება საქართველოში. ეს არ არის დამოკიდებული არც ჩემზე, არც წმინდა სინოდზე - უფალი მეფობს. უფალი ჩვენი**

იესო ქრისტე მოგვიწოდებს, რათა ვიყოთ სამწყსო უფლისა და უფალი იყოს მწყემსი ჩვენი”, - თქვა ილია მეორემ.

პატრიარქმა მრევლთან ერთად წარმოთქვა ლოცვა - “მონყალებისა კარი განგვიღე” - რომელმაც, როგორც ილია მეორემ აღნიშნა, ქართველი ხალხი მონღოლების შემოსევისას გადაარჩინა.

**“ღვთის მადლით და წყალობით ყველაფერი კარგად იქნება, გიხაროდენ ორსავე სოფელსა შინა”,** - მიმართა მრევლს პატრიარქმა. ქადაგების დასასრულს ილია მეორემ ბერმონაზონი ელიზბარ გურაშვილი ოქროს ჯვრით დააჯილდოვა და ილუმენის ხარისხში აიყვანა.

მცხეთობის დღესასწაულს გუშინ დილიდან მცხეთის ცენტრალურ ქუჩაზე აღნიშნავდნენ. მცხეთელებმა მოაწყვეს დახლები, სადაც ხილი, ხელნაკეთი ნივთები და ხალხური რეწვის ნიმუშები გამოფინეს. გუშინვე, მცხეთაში გაიმართა ადგილობრივი შემოქმედებითი კოლექტივების კონცერტები, ხოლო საღამოს მცხეთის ამფითეატრში მცხეთო-

ბის სახალხო დღესასწაული ქართული ესტრადის მომღერლებმა კონცერტით დაასრულეს.

გადმოცემის თანახმად, უფლის ჯვარცმის შემდეგ, იესო ქრისტეს კვართი იერუსალიმიდან მცხეთელმა ებრაელებმა ჩამოაბრძანეს და იგი სვეტიცხოველში წმინდა სიდონისთან ერთად არის დაფლული. წმინდა ნინოს რჩევით კი, IV საუკუნეში მეფე მირიანმა და დედოფალმა ნანამ ამ ადგილზე პირველი ხის ტაძარი ააგეს. V საუკუნის მეორე ნახევარში წმინდა მეფე ვახტანგ გორგასალმა ბაზილიკის ტიპის ტაძარი აღმართა, XI საუკუნეში კი დაზიანებული ბაზილიკის ადგილზე ქართლის კათოლიკოსმა მელქისედეკმა ახალი ტაძარი, სვეტიცხოველი ააგო, რომელიც 12 მოციქულის სახელობისაა. ტაძრის ხუროთმოძღვარი არსუკიძე იყო.

საქართველოს მართლმადიდებელი ეკლესია 14 ოქტომბერს წმინდა მოციქულთა სწორის მეფე მირიანისა და დედოფალ ნანას (IV); წმინდა სიდონისა და აბიათარის (IV) ხსენებასაც აღნიშნავს.

## მიწისძვრა საქართველოში

გუშინ, საქართველოში 5,1 მაგნიტუდის სიმძლავრის მიწისძვრა დაფიქსირდა. სეისმური მონიტორინგის ცენტრის მონაცემებით, ეპიცენტრი ქალაქ წნორიდან ჩრდილო-აღმოსავლეთით, 13 კმ-ის მანძილზე, სოფელ ულიანოვკაში მდებარეობდა. მიწისქვეშა ბიძგები სეისმოლოგებმა 10 კმ-ის სიღრმეზე დააფიქსირეს.

News.ge-ის ინფორმაციით, ულიანოვკასა და ახლომდებარე სოფლებში გაითიშა ელექტროენერგია. სტიქიამ საცხოვრებელი სახლები დაზარალა. მიწისძვრას წგრევა არ მოჰყოლია, თუმცა საცხოვრებელი სახლების კედლები დაიზარა. როგორც სოფლის ერთ-ერთმა მკვიდრმა მარინე ხოსიტაშვილმა განაცხადა, მიწისქვე-

შა ბიძგების შედეგად მას ჭურჭელი სულ დაემსხვრა. საქართველოში მიწისძვრა შაბათსაც დაფიქსირდა. ილიას სახელმწიფო უნივერსიტეტის სეისმური მონიტორინგის ცენტრის მონაცემებით, მიწისქვეშა ბიძგების სიმძლავრემ 4,6 მაგნიტუდა შეადგინა. მონიტორინგის ცენტრის ინფორმაციით, მიწისძვრის ეპიცენტრი აზერ-

ბაიჯანში, საქართველოს საზღვრიდან 5 კილომეტრის დაშორებით დაფიქსირდა, შესაბამისად, საქართველოს ტერიტორიაზე მიწისძვრა ყველაზე მკვეთრად ლაგოდეხის რაიონში იგრძნეს. მიწისძვრას ლაგოდეხში წგრევა არ გამოწვევია. სტიქიას არც საკომუნიკაციო საშუალებები არ დაუზიანებია.

## თიბისი ბანკი მენაბრეებისათვის გათამაშებას იწყებს!

განსაკუთრებული პირობები და შეთავაზება თიბისი ბანკის მენაბრეებს! ისინი, ვინც 9 ოქტომბრიდან 31 დეკემბრის ჩათვლით გახსნიან ანაბარს თიბისი ბანკში, ჩაერთვებიან საახალწლო გათამაშებაში და ექნებათ შანსი, მოიგონ 10,000, 15,000 და 20,000 ლარი!

გათამაშებაში მონაწილეობის მისაღებად საჭიროა გახსნათ ვადიანი“, ვადიანი“, ოქროს, ბონუს ან ანაბარი ჩემი მიზანი“ თიბისი ბანკში მინიმუმ 1,000 ერთეულით (ლარი, აშშ დოლარი, ევრო ან ფუნტი). ყოველ 1,000 ერთეულზე თქვენი 1 ბილეთი განთავსდება დოლურაში.

გათამაშებაში მონაწილეობას მიიღებენ თიბისი ბანკის არსებული მენაბრეებიც, რომლებსაც ანაბარი ჩემი სეიფის“ ანგარიშზე გათამაშების დასრულებამდე ყოველი თვის ბოლო რიცხვში არსებული მინიმალური ნაშთი ექნებათ 1,000 ლარი, დოლარი, ევრო ან ფუნტი.

გათამაშება შედგება 2013 წლის 14 იანვარს, საღამოს 20:00 საათზე. გათამაშების მონაწილეებს შეუძლიათ, ონლაინ რეჟიმში, ლაივსტრიმის მეშვეობით, თვალი ადევნონ გათამაშებას, რომელიც თიბისი ბანკის Facebook-ის გვერდზე (facebook.com/TBCBank) გადაიცემა. გათამაშებისას გამოვლინდება სამი გამარჯვებული მენაბრე, რომლებიც გახდებიან 10,000, 15.000 და 20,000 ლარის მფლობელები!

მაშ ასე, იჩქარეთ, გახსენით ანაბარი თიბისი ბანკში, ისარგებლეთ განსაკუთრებული პირობებით და მოიგეთ 10,000, 15,000 და 20,000 ლარი და დაიწყეთ ახალი ცხოვრება ძველით ახალ წელს!

აქცია გრძელდება 31 დეკემბრამდე!

გახსენით ანაბარი

**მოიგეთ**

**10.000**

**15.000**

**20.000**

საუკეთესო ადგილი თქვენი დანაშთისთვის

თიბისი ბანკი TBC BANK

☎ 227 27 27 | ✉ + 27 27 www.tbcbank.ge



## თიბისი ბანკის განცხადება

თიბისი ბანკმა დღეს გაავრცელა განცხადება, რომელიც უკავშირდება კომპანია “ელიტელექტრონიქსის” ყოფილ მფლობელს, ანზორ ქოქოლაძეს. განცხადებაში ნათქვამია, რომ ანზორ ქოქოლაძე ცდილობს ბანკი დააშანტაჟოს - კერძოდ, ითხოვს ბანკისგან “ელიტელექტრონიქსის” აქციების 100%-ს ისე, რომ უარს ამბობს ბანკისგან აღებული სესხის, 11 მილიონის გადახდაზე. წინააღმდეგ შემთხვევაში, ემუქრება თიბისი ბანკს მისი რეპუტაცი-

ისა და სახელის შელახვით. თიბისი ბანკი მიიჩნევს, რომ ქოქოლაძე უბრალოდ ცდილობს ისარგებლოს ბოლო დროს განვითარებული ცვლილებებით, მოიხსნას “ჩაგრულის” მანტია, გამოიყენოს მასმედია იარაღად თიბისი ბანკის დაშანტაჟებაში და შეცდომაში შეიყვანოს საზოგადოება. თიბისი ბანკის მენეჯმენტი კიდევ ერთხელ ხაზს უსვამს, რომ “ანზორ ქოქოლაძე არის ადამიანი, რომელმაც აიღო თიბისისგან და 3 სხვა

ბანკისგან 26 მილიონი ლარის სესხები, თავისი არანსორი მართვით მიიყვანა კომპანია იქამდე, რომ სესხები ვერ დაბრუნდა და კომპანია აღმოჩნდა ფინანსურ კრიზისში.” ბანკის წარმომადგენელთა თქმით, “თიბისი ბანკი იძულებული გახდა, სესხის სანაცვლოდ გირაოში ჩადებული აქტივები სასამართლო წესით საკუთრებაში მიეღო და გაესხვისებინა საერთაშორისო ინვესტორზე, რათა როგორმე სესხი დაებრუნებინა. შედეგად, კომპანიამ განაგრძო

ფუნქციონირება, ბანკმა სესხის მხოლოდ ნაწილი დაიბრუნა და რამდენიმე მილიონი ზარალი მიიღო.” თიბისი ბანკის განცხადებაში ნათქვამია, რომ ბანკი არ აპირებს დაექვემდებაროს ქოქოლაძის შანტაჟს და არ მისცემს მას მედიით მანიპულირების შესაძლებლობას: მიუხედავად იმისა, რომ ჩვენ საერთაშორისოდ და მორალურად აბსოლუტურად მართლები ვართ, გვსურს არავის და, მათ შორის, არც ბატონ ანზორს არ დარჩეს რაიმე

კითხვები ამასთან დაკავშირებით. ამიტომ ჩვენ შევთავაზეთ მას, შანტაჟის ნაცვლად აგვერჩია ისეთი გამჭვირვალე და დემოკრატიული გზები, როგორცაა დამოუკიდებელი ჟურნალისტური გამოძიება და კერძო არბიტრაჟი. სამწუხაროდ, ქოქოლაძემ ორივე შეთავაზებაზე უარი თქვა, რაც გვაფიქრებინებს, რომ მისი მთავარი მოტივაცია სამართლიანობის აღდგენა ნამდვილად არ არის.” - ნათქვამია თიბისი ბანკის განცხადებაში.

გაზეთი “24 საათი” გამომცემელი შპს “მზა”. რედაქტორ-გამომცემელი: მამუკა ფარუაშვილი, პაატა ვეშაპიძე.

რედაქცია: სოფიკო ჩხაიძე (მთავარი რედაქტორი), რედაქტორები: მია ჭლავანიძე (საზოგადოება/Weekend), ინგა ალავიძე (სამართალი), დავით ნინიკაშვილი (ბიზნესი), ივა შილაკაძე (უცხოეთი) სოფო კილასონია (რევიუ), კახა ფარუაშვილი (სპორტი). რეკლამის და მარკეტინგის მენეჯერი: ირაკლი ლეუვა ტელ: 899 22 09 49. კომპიუტერული ცენტრი: თამაზ ჩხაიძე (მენეჯერი), ირაკლი ჯიშკარიანი, თენგიზ ქორია, ნინო ყაველაშვილი რედაქციის მისამართი: ქ.თბილისი, კოსტავას ქ. № 68, საზოგადოებრივი მუწყეხედი, მე-3 კორპუსი, მე-3 სართული. ტელ: 40-94-45; 40-94-46; 40-94-47; 40-94-48 ელ-ფოსტა: public@24hours.ge

# განმეორებითი არჩევნები, საბოლოო შედეგების გამოცხადებამდე

პირველი გვერდიდან

თუმცა, ქიტიანში გაცხადდა კანდიდატურის ოფიციალურად მოსახსენიებელი ვადის ამონაწერის შემდეგ გააკეთა და ამიტომ, ბიულეტენში მისი სახელი და გვარიც იყო აღნიშნული. ხაშურში არჩევნებზე დაბალი აქტიურობა იყო. 18:00 საათზე არჩევნებზე ამომრჩეველთა 24 პროცენტი იყო მისული.

გაცილებით დიდ ინტერესს სიღნაღის საარჩევნო ოლქის ვაქირის N5 საარჩევნო უბანზე დანიშნული არჩევნები იწვევდა. "ნაციონალური მოძრაობის" მაჟორიტარ კანდიდატ ლევან ბეჟუაშვილს ცესკო-ს მონაცემებით, N5 გაბათულებული უბნის გამოკლებით, 9688-მა ამომრჩეველმა მისცა ხმა, რაც 48.01 პროცენტია. "ქართული ოცნების" მაჟორი-

ტარმა კანდიდატმა გელა გელაშვილმა კი 9665 ხმით, 47.89 პროცენტი დააგროვა. ბეჟუაშვილი ოპონენტს 23 ხმით უსწრებდა. ხოლო, ვაქირის საარჩევნო უბანზე 863 ამომრჩეველი იყო რეგისტრირებული. აქ დანიშნული განმეორებითი არჩევნები გამარჯვებულს გამოავლენდა. შესაბამისად, სიღნაღში ამომრჩეველთა აქტიურობა ყველაზე მაღალი იყო. 12:00 საათისთვის N5 უბანზე ამომრჩეველთა 34 პროცენტს კენჭისყრაში მონაწილეობა უკვე მიღებული ჰქონდა, 17:00 საათზე - 68.7 პროცენტს.

გორის საარჩევნო ოლქის ქალის დასახლების N4 უბანზე დანიშნულ არჩევნებს გამარჯვებული მაჟორიტარის გამოვლენაზე გავლენის მოხდენა თეორიულად შეეძლო. ამ უბნის შედეგების გარეშე "ქარ-

თული ოცნების" მაჟორიტარი კანდიდატი მალხაზ ვახტანგაშვილი 47.15 პროცენტით ლიდერობდა (32 497 ხმა), გიორგი ტატიშვილს, "ნაციონალური მოძრაობიდან" 46.43 პროცენტი ჰქონდა (32 001 ხმა). გაუქმებულ N4 უბანზე 1 419 ამომრჩეველი იყო რეგისტრირებული. როგორც ჩანს, ამომრჩევლები დარწმუნებულნი იყვნენ, რომ ოლქის საბოლოო შედეგი არ შეიცვლება და აქაც ხაშურის მსგავსად არჩევნებმა დაბალი აქტიურობით ჩაიარა.

კენჭისყრასთან ერთად, 1 ოქტომბრის არჩევნებთან დაკავშირებული სადავო საკითხებზე მუშაობა დაასრულდა. გუშინ საარჩევნო ბლოკ "ბიძინა ივანიშვილი - ქართული ოცნების" წარმომადგენელი გიორგი ლამბაძემ დაგვადების N15 საარჩევნო ოლქში

საარჩევნო უბნებისთვის გადაცემული დაზუსტებული სიების გადამოწმებას ითხოვდა. დარღვევების აღმოჩენის შემთხვევაში, ლამბაძემ დაგვადების საარჩევნო ოლქის შედეგების ბათილად ცნობის საკითხს აყენებდა. ცესკო-ს წევრებმა აღნიშნეს, რომ საჩივარი გასაჩივრების წესის დარღვევით იყო შეტანილი და არ განიხილეს. ეს 1 ოქტომბრის საპარლამენტო არჩევნების ბოლო საარჩევნო დავა იყო, - თქვა ცესკო-ს თავმჯდომარემ ზურაბ ხარატიშვილმა.

საარჩევნო კოდექსის თანახმად, ცესკო-მ 1 ოქტომბრის საპარლამენტო არჩევნების შემჯავებელი ოქმი არჩევნებიდან არაუგვიანეს მე-19 დღეს უნდა გამოაქვეყნოს.

საკუთარი ინფორმაცია

## ივანიშვილი მთავრობის

# სრულ შეადგენლობას სამშაბათს დაასახლებს

მომავალი მინისტრების შესარჩევად კონსულტაციები კოალიციის ლიდერ ბიძინა ივანიშვილის ბიზნეს-ცენტრში გუშინაც არ შეწყვეტილა. პარლამენტის თავმჯდომარეობის კანდიდატმა დავით უსუფაშვილმა, განხილვის დასრულების შემდეგ, ყურნალისტებს უთხრა, რომ ივანიშვილი მინისტრთა კაბინეტის სრულ შემადგენლობას, სავარაუდოდ, სამშაბათს დაასახლებს. როგორც უსუფაშვილი დასძინა, მსჯელობა

სხვა საკითხებზეც მიმდინარეობს.

ჯერჯერობით უცნობია, ვის შეარჩევნებენ მომავალ მთავრობაში ფინანსთა, ეკონომიკისა და მდგრადი განვითარების, გარემოს დაცვის, ოკუპირებული ტერიტორიებიდან დევნილთა, განსახლებისა და ლტოლვილთა, განათლებისა და მეცნიერების მინისტრების თანამდებობებზე დასანიშნად. დასაქმების სახელმწიფო მინისტრის აპარატი კი სავარაუდოდ გაუქმდება.

ამასთან, კოალიცია სხვა სამინისტროების სტრუქტურულ ცვლილებებს გეგმავს.

გუშინ მედიაში მხოლოდ ენერჯეტიკისა და ბუნებრივი რესურსების მინისტრობის სავარაუდო კანდიდატის შესახებ გავრცელდა ინფორმაცია. ტელეარხ "პიკის" ინფორმაციით, ამ თანამდებობაზე მამუკა ნიკოლაიშვილის დანიშვნა იგეგმება. ის ენერჯეტიკის მინისტრი ერთელ უკვე იყო. 2003 წელს ნიკოლაიშვილმა

დავით მირცხულავა შეცვალა. "პიკის" ცნობით, ამჟამად მამუკა ნიკოლაიშვილი პარიზში ალტერნატიული ენერჯის საკითხებზე მუშაობს. "პიკთან" საუბარში მან დაადასტურა, რომ "ქართულ ოცნებასთან" კონსულტაციები აქვს. როგორც ნიკოლაიშვილი ამბობს, პასპორტის აღების საკითხზე საელჩოსთან პრობლემა შეექმნა და თბილისში ჩამოსვლას ამიტომ ვერ ახერხებს.

საკუთარი ინფორმაცია

# მიმდინარე გამოძიება და გახნილი საქმეები

მკვლელობა, თვითმკვლელობა, ჩვილი ბავშვის გარდაცვალების საქმის გამოძიების მსვლელობა, ძარცვაში ბრალდებულის დაკავება - ასეთია ბოლო ორი დღის კრიმინალური ქრონიკა.

მკვლელობა მოხდა ვანის რაიონში. მურად კეკელიძემ, მამიდაშვილი, 57 წლის მარინა ახვლედიანი დანის დარტყმით მიყენებული ჭრილობებით გამოასალმა სიცოცხლე. გავრცელებული ინფორმაციით, მკვლელობაში ბრალდებული მურად კეკელიძე ფსიქიკურად გაუნონანსორებულია. საქმეს ვანის რაიონის პოლიცია იძიებს.

რაც შეეხება სოფელ კოლაგში დაღუპული 10 თვის ჩვილის გარდაცვალების გამოძიების საქმეს. მომხდარის ოფიციალური ვერსიები ჯერჯერობით არ ხმაურდება. ცნობილია ის, რომ გარდაცვლილი ბავშვის ოჯახის წევრებთან, გუშინინ, მთელი ღამის განმავლობაში, სა-

მართლდამცველები განმეორებით საგამოძიებო მოქმედებას - დაკითხვას აწარმოებდნენ. საგამოძიებო ჯგუფი გურჯაანში თბილისიდან ჩავიდა.

გავრცელებული ინფორმაციით, 10 თვის ბარბარე რაფალიანცის ოჯახის წევრების დაკითხვა ადვოკატის გარეშე მიმდინარეობდა, რის გამოც დაცვის მხარე პროკურატურისგან იმის გარკვევას ითხოვს, კონკრეტულად ვინ იყვნენ ის პირები, რომლებიც დაკითხვას აწარმოებდნენ. გარდაცვლილი ბავშვის დედამ გურჯაანის პოლიციის სამმართველო უკომენტაროდ დატოვა. გავრცელებული ინფორმაციებით, განმეორებითი დაკითხვისას, ჩვენება შეცვალა გარდაცვლილი ბავშვის დეიდამ.

როგორც ოჯახის ადვოკატები ამბობენ, პოლიციამ ოჯახის წევრებთან დეტალური დაზუსტება ადვოკატ ლალი ბინოშვილის განცხადებით, 5 პიროვნება ოჯახში საგამოძიებო პროცესებს იმ

დროს ატარებდა, როდესაც იქ არავინ იმყოფებოდა, რის გამოც ადვოკატი განცხადებით პოლიციას მიმართავს.

10 თვის ბარბარე რაფალიანცი, სოფელ კოლაგში, წყლით სავსე ქვევრში გარდაცვლილი 30 სექტემბერს იპოვეს. გამოძიება განზრახ მკვლელობის მუხლით მიმდინარეობს. საქმე პირად კონტროლზე ყავს აყვანილი შს მინისტრის მოვალეობის შემსრულებელ ეკა ძღულაძეს.

რაც შეეხება დიღმის მასივის მესამე კვარტალში მომხდარ ინციდენტს. საუბარია ჩამომხრჩვალ მამაკაცის ცხედრის აღმოჩენის ფაქტზე. გამოძიებას ჯერ არ აქვს პასუხი ადგილი ჰქონდა თვითმკვლელობას, თუ - მკვლელობას.

გაგარინის ქუჩაზე მდებარე ლომბარდის ძარცვის საქმე გახსნილია და დაკავებული ძარცვაში ბრალდებული. როგორც გამოძიებამ დაადგინა, დანაშაული ლომბარდის თანამშრომელმა შალვა ხიმშიაძემ ჩაიდინა. სამარ-

თლდამცველების ინფორმაციით, ხიმშიაძე დანაშაულს აღიარებს. მას ბრალი სისხლის სამართლის კოდექსის 373 მუხლის 2 ნაწილით ნაუყენეს.

გამოძიება მიმდინარეობს რუსთავის გზატკეცილზე გუშინ მომხდარ ავარიის ფაქტთან დაკავშირებით. გვიან ღამით ერთმანეთს ორი მსუბუქი ავტომანქანა შეეჯახა.

ავარიის შედეგად დაშავებული ადამიანები სასწრაფო დახმარების ბრიგადებმა ინგოროყვას საავადმყოფოში გადაიყვანეს.

საქართველოს ექსტრადიციის საკითხის გადაწყვეტას ელოდება ჩერნოგორსკის რაიონში მდებარე საერთო რეჟიმის კოლონიიდან, სასაჯელის ვადის დასრულების გამო გათავისუფლებული 51 წლის ქართველი "კანონიერი ქურდი" დავით ჩხიკვიშვილი. კრიმინალურ წრეებში ჩხიკვიშვილს "დატო სურ-გუტსკის" სახელით იცნობენ.

# თვითმმართველი ქალაქებისა და მუნიციპალიტეტების ადგილობრივი ხელისუფლების წარმომადგენელთა ანაზღაურება გაიზარდა

პრეზიდენტის ბრძანებულების ცვლილების თანახმად, თვითმმართველი ქალაქებისა და მუნიციპალიტეტების წარმომადგენლობითი და აღმასრულებელი ორგანოების საჯარო მოსამსახურეები გაზრდილ ხელფასებს მიიღებენ.

"ავტონომიური რესპუბლიკების ხელისუფლებისა და ადგილობრივი თვითმმართველობის ორგანოების საჯარო მოსამსახურეთა შრომის ანაზღაურების მონესრიგების თაობაზე" ბრძანებულებაში ცვლილებების შეტანის გათვალისწინებით, რეგიონების მასშტაბით გამგებობების და საკრებულოების წარმომადგენლების თანამდებობრივ სარგოთა ზედა ზღვარი გაიზარდა. აღნიშნული ცვლილება თბილისისა და ბათუმის გარდა, ყველა თვითმმართველი ქალაქის და მუნიციპალიტეტის ადგილობრივი ხელისუფლებას ეხება.

თვითმმართველ ქალაქებში, სადაც საკრებულოს თავმჯდომარის და მერის თანამდებობრივი სარგოს ზედა ზღვარი 2480 ლარით იყო განსაზღვრული, ახლა ხელფასები 2750 ლარი გახდება. სხვა საჯარო მოხელეთა აქამდე არსებულ და ახალ თანამდებობრივ სარგოებს რაც შეეხება, ბოლო მონაცემებით, საკრებულოს თავმჯდომარის მოადგილის თანამდებობრივი სარგოს ზედა ზღვარი - 1500 ლარი - 2150 ლარამდე გაიზარდა; მერის მოადგილისა იყო - 1250 და გახდა - 2050; სამსახურის უფროსის, საკრებულოს აპარატის უფროსის იყო - 900 ლარი, გახდა - 1490 ლარი; თვითმმართველი ტერიტორიული ორგანოს ხელმძღვანელის, თვითმმართველი ერთეულის რწმუნებულის თანამდებობრივი სარგოს ზედა ზღვარი იყო - 800 ლარი და 1250 ლარამდე გაიზარდა; საკრებულოს კომისიის თავმჯდომარის, საკრებულოს ფრაქციის თავმჯდომარის იყო - 710 ლარი, გახდა - 1000 ლარი; სამსახურის უფროსის მოადგილის, მერის თანამდებობის, სხვა უფროსი საჯარო თანამდებობის პირთა თანამდებობრივი სარგო იყო - 550, გახდა - 800 ლარი; უმცროსი საჯარო თანამდებობის პირის იყო - 480 ლარი, გახდა - 580 ლარი.

პრეზიდენტის გადაწყვეტილებით, ცვლილებები მუნიციპალიტეტების წარმომადგენლობითი და აღმასრულებელი ორგანოების საჯარო მოსამსახურეთა თანამდებობრივ სარგოებზეც აისახა: მუნიციპალურ ერთეულებში საკრებულოს თავმჯდომარეებისთვის და გამგებლებისთვის განსაზღვრული 2360-2360 ლარიანი ანაზღაურება ამიერიდან 2650 ლარი იქნება; საკრებულოს თავმჯდომარის მოადგილისთვის დადგენილი 1100-ლარიანი თანამდებობრივი სარგო 1900 ლარი გახდა; გამგებლის მოადგილის თანამდებობრივი სარგოს ზედა ზღვარი აქამდე 900 ლარით იყო განსაზღვრული და ის ახლა 1500 ლარია; სამსახურის უფროსის, საკრებულოს აპარატის უფროსის, თვითმმართველი ერთეულის ტერიტორიული ორგანოს ხელმძღვანელის - რწმუნებულის იყო 700 ლარი, გახდა - 1290 ლარი; საკრებულოს კომისიის თავმჯდომარის, საკრებულოს ფრაქციის თავმჯდომარის 650-ლარიანი თანამდებობრივი სარგო 1050 ლარამდე გაიზარდა; გამგებობის სამსახურის განყოფილების უფროსის 500-ლარიანი ანაზღაურება 810 ლარი გახდა; გამგებლის თანამდებობისთვის, სხვა უფროსი საჯარო თანამდებობის პირისთვის გამოყოფილი 450-ლარიანი ანაზღაურება 790 ლარამდე გაიზარდა; ცვლილება მუნიციპალიტეტების წარმომადგენლობით და აღმასრულებელ ორგანოთა უმცროსი საჯარო თანამდებობის პირთა შრომით ანაზღაურებასაც შეეხო და მათი 420-ლარიანი ხელფასები 560 ლარამდე გაიზარდა.

"ავტონომიური რესპუბლიკების ხელისუფლებისა და ადგილობრივი თვითმმართველობის ორგანოების საჯარო მოსამსახურეთა შრომის ანაზღაურების მონესრიგების თაობაზე" პრეზიდენტის ბრძანებულებაში განხორციელებული ცვლილებები "საკანონმდებლო მაცნეში" გამოქვეყნდა და უკვე ძალაში შევიდა.

## გია ხუხაშვილმა "ქართული ოცნება" დატოვა

ექსპერტი გია ხუხაშვილი ვინრო პარტიული კუთხით "ქართულ ოცნებასთან" აღარ ითანამშრომლებს და სამოქალაქო სექტორში ბრუნდება.

მისი თქმით, თავიდანვე განაცხადა, რომ აქტიური პოლიტიკური ციკლის დასრულების შემდეგ სამოქალაქო სექტორს, კერძოდ, განვითარების კვლევის ინსტიტუტს დაუბრუნდებოდა.

"პოლიტიკური ამბიციები არასოდეს მქონია. ვუბრუნდები განვითარების კვლევის ინსტიტუტს", - განაცხადა ხუხაშვილმა.

"ინტერპრესნიუსის" ინფორმაციით, ექსპერტმა არ გამოიხატა, რომ მომავალში ახალ ხელისუფლებას კრიტიკოსის როლშიც მოეწოდოს, რადგან "ახალ მთავრობას ჯანსაღი კრიტიკა სჭირდება".

# პური 5 თეთრით გაძვირდა

ნატა ნინიძე



საცალო სავაჭრო ქსელში ქარხნული პური 5 თეთრით, ხოლო თონის პური 10 თეთრით გაძვირდა. ხორბლისა და პურ-პროდუქტების მწარმოებელთა ასოციაციის ხელმძღვანელის ლევან სილაგავას თქმით, ამის მთავარი მიზეზი მსოფლიო ბაზარზე ხორბლის მარაგის სერიოზული კრიზისია:

"ამ მხრივ, არასახარბიელო ვითარებაა შექმნილი რუსეთში და უკრაინაში. რაც შეეხება ყაზახეთს, იქ მოწოდებული ხორბლის მოსავალი მცირე არ ყოფილა, მაგრამ დაბალი ხარისხის აღმოჩნდა."

სილაგავას ინფორმაციით, ქართულ ბაზარზე 29-30 ლარიდან 44-45 ლარამდე არის გაზრდილი ერთი ტონა ფქვილის ფასი. პურის ღირებულების განსაზღვრაში კი 50 პროცენტს სწორედ ფქვილის ფასი შეადგენს.

საქართველოში ყოველთვიურად 70 000-100 000 ტონა ხორბლის იმპორტი ხორციელდება.

გვალვის შედეგად ხორბლის მოსავალი განახევრდა რუსეთშიც. ამგვარი ვითარების გამო მსოფლიო ს ბაზრებზე ხორბლის ფასი, დაახლოებით, 30 პროცენტით გაიზარდა.

ბოლო ერთი თვის განმავლობაში ხორბლის ღირებულება საერთაშორისო ბაზრებზე 25-30%-ით გაიზარდა, თუმცა ფასების მატება ჯერ კიდევ ზაფხულის დასაწყისიდან შეინიშნება. მსოფლიო ბანკის მონაცემების თანახმად, უკვე შუა ივნისში პურის ფქვილი თითქმის 50 პროცენტით გაძვირდა.

ლევან სილაგავას უახლოეს მომავალში პურის ფასის შენარჩუნების შესახებ განცხადების საფუძველს აძლევს ხორბლის ის მარაგი, რომელიც საქართველოს კომპანიებმა ყაზახეთში დემპინგურ ფასად შეიძინეს.

აღმოჩნდა, რომ დაახლოებით ერთი თვის წინ, როდესაც რუსეთმა ხორბლის ფასი გაზარდა, საქართველოს კომპანიებმა მიმართეს მეორე მომწოდებელს, ყაზახეთს, რომელსაც ჯერ კიდევ არ ჰქონდა რეალიზებული შარშანდელი უხვი მოსავლის მნიშვნელოვანი ნაწილი:

"ყაზახეთში შედარებით იაფი იყო ხორბალი და მათ ძალაუფლებით უნდა გაეთავისუფლებინათ

თავიანთი შესანახი მეურნეობები იმისათვის, რომ ახალი ხორბალი, რომელიც სექტემბერში მოდის, დაეინახებინათ. ამ დროს მოხდა საკმაოდ ნორმალურ ფასად ხორბლის შემოტანა საქართველოში, დაბინავება, და ახლა ჩვენი ნისქელიკომბინატები ყაზახეთიდან შემოტანილი ხორბლით მუშაობენ, ანუ ფქვილის ბაზარზე სტაბილურობაა."

ლევან სილაგავა ვარაუდობს, რომ უახლოეს ხანებში მსოფლიო ს ბაზრებზეც სტაბილურობა დამყარდება, რადგან ხორბლის მთავარი მომწოდებლები არ აპირებენ ექსპორტის შეზღუდვას, ხოლო "დიდი ოცეული" ამ სფეროში არსებული პრობლემების დალევას ცდილობს:

"მთლიანად სტაბილურდება ფასი. მართალია, მაღალი ფასია, მაგრამ ის სტაბილური ხდება..."

შედარებით პესიმისტურ პროგნოზს აკეთებს მსოფლიო ბანკის აგრარული სფეროსა და სოფლის განვითარების პროგრამების ყოფილი დირექტორი რობერტ ტომპსონი. მისი აზრით, ამერიკაში გვალვების გამო მოსავლის განადგურების შედეგები სურსათის მსოფლიო ბაზრებზე სრულად რამდენიმე თვეში აისახება.

"ვერაფერი დაამხოვს მთავრობას მშვიდ ხალხზე უფრო ჩქარაო", - ამბობს რობერტ ტომპსონი, რომელსაც არ უკვირს, თუ რატომ არიან პანიკაში როგორც მომხმარებლები, ისე მთავრობები ამერიკაში გვალვით გამოწვეული მარცვლეული კულტურის მოსავლის შემცირების გამო.

სწორედ მარცვლეულზე ფასების მატება დასახელდა ორიოდე წლის წინ საქართველოში მაღალი ინფლაციის ძირითად მიზეზად, თუმცა ექსპერტთა ნაწილი ირწმუნება, რომ იმდროინდელი სამომხმარებლო ფასების ზრდა ეროვნული ბანკისა და მთავრობის პოლიტიკის დამსახურება იყო.

ახლა, როდესაც კვლავ მოიმატა ხორბლის ღირებულებამ მსოფლიო ს ბაზრებზე, საქართველოში ინფლაცია თითქმის არ შეინიშნება და ის ერთ პროცენტსაც კი არ შეადგენს.

"ფქვილი კი გაძვირდა, მაგრამ პურის ძველი ფასის შენარჩუნებას ვახერხებდით მოგების შემცირების ხარჯზე... მაგრამ თუ ფქვილის ფასი კიდევ მოიმატებს, იძულებული გავ-

ხდებით, პურის ფასი გავზარდოთ. ტონა ფქვილის ფასი გასცდა 40 ლარს, იძულებული გავხდით ფასი 5 თეთრით გავგვეზარდა", ამბობს მე-4 პურის ქარხნის ხელმძღვანელი მალხაზ დოლიძე.

საქართველოში პურს სხვადასხვა ფასი აქვს და ის წონის, ხარისხისა და შემადგენლობის მიხედვით იცვლება. საცალო ქსელში ყველაზე იაფი პური 40 თეთრი ღირს, მაგრამ მისი წონა 300 გრამს მცირედით თუ აჭარბებს. 500-გრამიანი სტანდარტული პურის ფასი 0,90-1,40 ლარის ფარგლებში მერყეობს. დაბალი ხარისხის პურში მეტია საფურისა და წყლის შემცველობა. ასეთი პროდუქტი ძირითადად მოსახლეობის დაბალშემოსავლიან სექტორზე გათვლილი - ვიზუალურად პურს ჰგავს, მაგრამ არც წონა აქვს და არც კვებითი ღირებულება, სამაგიეროდ, იაფია. სხვათა შორის, პურის ფასების შესანარჩუნებლად მწარმოებლები ხშირად მიმართავენ ამგვარ ტექნოლოგიურ ხრიკებს - პურში ფქვილის მოცულობას ამცირებენ სხვა ინგრედიენტების ზრდის ხარჯზე და წონასაც აკლებენ, მოტყუებული კი ისევ მომხმარებელი რჩება.

"დაახლოებით სამი წელია პურის წარმოების სტანდარტზე მსჯელობენ. თუკი ასეთი სტანდარტი დადგინდება, მოხერხდება შედარება - რამდენად შეესაბამება ესა თუ ის პროდუქტი დადგენილ ნორმებს. ჯერჯერობით ამის გაკეთება შეუძლებელია" - ამბობს ლევან სილაგავა.

# საქართველო - ინტარნეტისა და მობილური კავშირის ინტეგრირების საუკეთესო მაგალითი

ინტერნეტ ტექნოლოგიების ბაზარი მთელ მსოფლიოში და მათ შორის, საქართველოში ერთ-ერთი ყველაზე მომგებიანია. მზარდი მოთხოვნის ფონზე ძალიან საინტერესოა ის ცვლილებები, რომელიც ბოლო ორ წელიწადში საქართველოში განხორციელდა.

საერთაშორისო ტელესაკომუნიკაციო კავშირმა ITU-მ წარმოადგინა მორიგი მოხსენება სახელწოდებით «საინფორმაციო საზოგადოების განვითარება», რომლის თანახმადაც მსოფლიოში გაიზარდა მობილური კავშირისა და ინტერნეტის ურთიერთშეღწევადობა. ამჟამად მობილური კავშირის მომხმარებელთა რიცხვმა მსოფლიოში 6 მილიარდ აბონენტს მიაღწია.

მოხსენებაში ნათქვამია, რომ ყაზახეთი, აზერბაიჯანი, ესტონეთი და საქართველო არიან ქვეყნები, რომლებიც აჩვენებენ დინამიურ ზრდას მობილური კავშირისა და ინტერნეტის ინტეგრირების სფეროში. მსოფლიო ტენდენციებს ყველაზე მეტად ჩამორჩებიან აფრიკის კონტინენტის სახელმწიფოები. ევროპაში კი ოჯახების დაახლოებით 70%-ს აქვს ინტერნეტზე წვდომა, ამერიკაში ეს ციფრი 50%-ს აღწევს, დასავლეთში კი 37,3%-ს. არაბეთში ეს მაჩვენებელი 25%-ია, აზია-წყნარი ოკეანის რეგიონში გლობალური ქსელთა ოჯახების 24,5% სარგებლობს.

ორგანიზაცია Freedom House-ის მიერ გამოქვეყნებულ რეიტინგში კი - "თავისუფლება ქსელში 2012" (Freedom on the Net 2012) საქართველო მე-14 ადგილს იკავებს. ანგარიშში აღნიშნულია, რომ ქვეყანაში ამ სფეროში ვითარების გამოსწორების ტენდენცია აღინიშნება.

ინტერნეტზე თავისუფალი წვდომის რეიტინგში ესტონეთი, აშშ



და გერმანია ლიდერობენ. ანგარიშში ქვეყნები ინტერნეტზე თავისუფალი წვდომის მიხედვით სამ ჯგუფად არიან დაყოფილი - თავისუფლად, ნაწილობრივ თავისუფლად და არათავისუფლად. პირველ ჯგუფში 14 ქვეყანაა შესული.

ყოფილი საბჭოთა ქვეყნებიდან მასში უკრაინა (12) და საქართველო (14) მოხვდნენ. ნაწილობრივ თავისუფალთა ჯგუფში 20 ქვეყანა შევიდა. ყოფილი საბჭოთა ქვეყნებიდან მასში აზერბაიჯანი, ყაზახეთი, ყირგიზეთი და რუსეთი არიან, რომელ-

მაც 30-ე ადგილი დაიკავა.

არათავისუფალი ქვეყნების რეიტინგში 13 სახელმწიფოა. რეიტინგის ლიდერი ესტონეთი ამჟამად ტექნოლოგიურად მსოფლიოს ყველაზე განვითარებული ქვეყანაა. მოსახლეობას ქვეყანაში ხელი ელექტრონულ სერვისზე - "ელექტრონულ მთავრობაზე" მიუწვდება.

ინტერნეტქსელში სიტყვის თავისუფლება დაცულია, მაგრამ ესტონეთში კერძო ინფორმაციის დასაცავად მკაცრი კანონები მიიღეს. აშშ რეიტინგში მეორე ადგილს იკა-

ვებს. მიუხედავად იმისა, რომ ამერიკა ინტერნეტში ჩართული მომხმარებლების რაოდენობით უწინდებურად ლიდერია, ინტერნეტის ტარიფები და სიჩქარე არასახარბიელოა.

ქვეყანაში ინფორმაციის თავისუფლება არ იზღუდება და არანაირი აკრძალვა არ არსებობს. ამასთან, კანონით მკაცრად აკრძალულია საბავშვო პორნოგრაფია, არსებობს კანონები პირადი ინფორმაციის გამოქვეყნებასთან და საავტორო უფლების დაცვასთან დაკავშირე-

ბით.

ლიდერების სამეულს გერმანია ასრულებს. ქვეყანაში სატელეკომუნიკაციო ტექნოლოგიები მაღალ დონეზე განვითარებული. პირველ ათეულში ასევე მოხვდნენ: ავსტრალია, უნგრეთი, იტალია, ფილიპინები, დიდი ბრიტანეთი, არგენტინა და სამხრეთ აფრიკის რესპუბლიკა.

Freedom House-ის მიერ გამოქვეყნებულ რეიტინგში აღნიშნულია, რომ საქართველოში იზრდება ინტერნეტისა და მობილური ტელეფონის მომხმარებელთა რიცხვი, თუმცა ხარისხის გათვალისწინებით მომსახურება ძვირია, ინფრასტრუქტურა კი - არაადეკვატური. 1.3 მილიონი ინტერნეტ მომხმარებლიდან 150,000-ს აქვს მაღალი სიჩქარის ინტერნეტი (b). ინტერნეტის საშუალო გადასახადი თვეში 25 ამერიკული დოლარია, 1 მეგაბიტი/წამში ბროუდბენდ კავშირის მინიმალური ღირებულება კი თვეში 10 დოლარს უტოლდება.

საქართველოში 19 ინტერნეტ-პროვაიდერია. ბაზარზე ლიდერია სილქნეტი 40 პროცენტით, მას მოჰყვება კაუკასუს ონლაინი დაახლოებით 38 პროცენტის საბაზრო წილით. 19 პროვაიდერიდან 3 მობილური ოპერატორიცაა.

საქართველოს კომუნიკაციების ეროვნული კომისია მთავარი სამთავრობო რეგულაციური სააგენტოა. Freedom House-ის აზრით, არ არსებობს კომისიის ობიექტურობაში დაეჭვების საფუძველი. თუმცა კომისია ონლაინ სივრცის, ტრადიციული მედიისა და ტელეკომუნიკაციების საკითხების რეგულაციისთვის ერთსა და იმავე პროცედურებს იყენებს.

# სირია რუსულ კასეტურ ზომბაზს იყენებს

პირველი გავრცელება

გუშინ თურქეთში აუქრძალა საკუთარ სივრცეში ფრენა სირიის თვითმფრინავებს.

ორი ქვეყნის დავას საავიაციო საკითხზე სახმელეთო პრობლემაც დაემატა. დაახლოებით ერთი კვირის წინ თურქულ დასახლება ალჩაყალზე სირიის იერიშის შემდეგ ანკარას გაძლიერებული აქვს სასაზღვრო დაცვა. საზღვრის მთელ პერიმეტრზე რამდენიმე დღეა თურქული არმიის მძიმე ტექნიკაა მობილიზებული, რასაც ახლა სირიის მხრიდან ტანკების განთავსება დაემატა. სირიის რეგულარული არმიის მძიმე ტექნიკის გადაადგილების ამსახველი კადრები საინფორმაციო სააგენტო "როიტერმა" გაავრცელა. არანაკლებ საგანგაშო ცნობები ადამიანის უფლებათა დამცველმა ორგანიზაციამ "Human Rights Watch"-მა გაავრცელა. ორგანიზაციის ინფორმაციით, ასადის არმია სულ უფრო ხშირად იყენებს საბჭოური წარმოების კასეტურ ზომბებს თავის ტერიტორიაზე. როგორც ადამიანის უფლებათა დამცველები იუწყებიან, გასული კვირის განმავლობაში ქვეყნის სამხედრო-საჰაერო ძალებმა, სულ მცირე, 20 ავიადარტყმა განახორციელა კასეტური ზომბების გამოყენებით. თუმცა, ამის ამსახველი ვიდეომასალა ძალიან მწირია. ცნობისთვის, სირიის ხელი არასდროს მოუწერია აღნიშნული ტიპის იარაღის გამოყენების აკრძალვის შესახებ საერთაშორისო კონვენციისთვის.



რაც შეეხება თვითმფრინავს, რომელიც დამასკო-მოსკოვის რეისის ასრულებდა და რომლის ბორტზეც რუსეთის მოქალაქეები იმყოფებოდნენ, სკანდალი დღემდე გრძელდება. თვითმფრინავს თურქეთში იძულებით დაშვება დაზვერვის მონაცემებზე დაყრდნობით აიძულა ანკარაში. შემონემების შემდეგ დადგინდა, რომ სამგზავრო თვითმფრინავით რუსეთიდან სირიაში სამხედრო ტვირთის გადატანაც

ხდებოდა, რაზეც ოფიციალური კომენტარის გაკეთებას მოსკოვმა საკუთარი მოქალაქეების უსაფრთხოებაზე ყურადღების გამახვილება არჩია. რუსეთის საგარეო უწყებამ აღშფოთება იმის გამო გამოთქვა, რომ თურქეთმა თვითმფრინავი 4 საათით დააყოვნა ანკარაში და ბორტზე რუსეთის მოქალაქეების ყოფნის მიუხედავად დროულად საქმის კურსში არ ჩააყენა რუსეთის საკონსულო. ამ ბრალდებაზე თურქეთს პასუხიც ჰქონდა, რომლის მიხედვითაც მგზავრების უსაფრთხოებას არაფერი ემუქრებოდა, რადგან მათ მოსაცდელ დარბაზში მოუხდათ გაჩერება, სადაც სასწრაფო

დახმარების ბრიგადაც იყო მობილიზებული ყოველი შემთხვევისთვის. სკანდალზე გამომხატურება არც ვაშინგტონმა დააყოვნა. ამერიკის შეერთებული შტატების სახელმწიფო დეპარტამენტმა მოსკოვი დამასკოსთვის იარაღის მიწოდების გამო გააკრიტიკა. სახელმწიფო დეპარტამენტის ოფიციალურმა წარმომადგენელმა ვიქტორია ნულანდმა საგანგებო პრესკონფერენციაზე რუსეთის მოქმედებას "მორალურად გაუმართლებელი" უწოდა. მიუხედავად იმისა, რომ ერთი შეხედვით რუსეთის საერთაშორისო სამართლის ნორმები არ დაურღვევია, რადგან მას მხარი არასდროს დაუ-

ჭერია სირიის წინააღმდეგ გაერთიანებული ერების ორგანიზაციის უშიშროების საბჭოს რეზოლუციებისთვის, ასადისთვის დახმარება მაინც მიზანშეუწონელია. "ჩვენ თითქმის მთელი წელიწადია აღვნიშნავთ, რომ პასუხისმგებლობის მქონე არც ერთი ქვეყანა არ უნდა ეხმარებოდეს ასადის რეჟიმის სამხედრო მანქანას. ჩვენ ეჭვიც არ გვაპარება, რომ საქმე სერიოზულ სამხედრო აღჭურვილობასთან გვაქვს", - განაცხადა ვიქტორია ნულანდმა. რუსული მხარის მტკიცებით, თვითმფრინავით მხოლოდ ელექტრონული მოწყობილობა გადაჰქონდათ, რომელიც ანტისაზღვრიტო სისტემისთვისაა განკუთვნილი. "ჩვენ თურქული მხარისგან საკმარისი და დეტალური ანგარიში მივიღეთ იმის შესახებ თუ რა იპოვეს თვითმფრინავის ბორტზე. ვფიქრობ, პრემიერ-მინისტრ რეჯეპ ტაიპ ერდოღანმა საკმაოდ მკაფიო განცხადებები გააკეთა ამასთან დაკავშირებით", აღნიშნა ამერიკის შეერთებული შტატების სახელმწიფო დეპარტამენტის ოფიციალურმა წარმომადგენელმა. თურქეთის პრემიერის განცხადებით, სამგზავრო თვითმფრინავის ბორტზე სამხედრო ტვირთის არსებობა უკვე არის რუსეთის მხრიდან სამოქალაქო ავიაციის რეგულაციების დარღვევა.

პირველი

## ფისკალური ზომების "შერბილავის" მოხრა და მონინაღმდბა

თინა გავაძა

ამ კვირაში საერთაშორისო სავალუტო ფონდმა გლობალური ეკონომიკური ზრდა 2012 წელს 3.5 პროცენტადან 3.3 პროცენტამდე შეამცირა და აღნიშნა, რომ ეს მაჩვენებელი უარესიც კი იქნება, თუ აშშ და ევროპა კრიზისს ვერ გაუმკლავდებიან.

თუ როგორ უნდა გაუმკლავდეს ვალის კრიზისს ევროპა, ამ საკითხზე მსოფლიოს ლიდერებს შორის აშკარა განხეთქილებაა.

ტოკიოში გამართულ ყოველწლიურ შეხვედრაზე გერმანიის ფინანსთა მინისტრი ვოლფგანგ შოიბლე და დაუპირისპირდა საერთაშორისო სავალუტო ფონდის ხელმძღვანელ კრისტინ ლაგარდს, რომელმაც მოუწოდა ევროპულ პოლიტიკოსებს, ბოლოს და ბოლოს, შეამცირონ ეკონომიკური პროგრამების განხორციელების საქმეში დანესებული მოთხოვნები, - წერს The Financial Times.

ლაგარდი მკაცრი საბიუჯეტო მოთხოვნების შერბილების მომხრეა, თუმცა შოიბლეს აზრით, ეს მოსაზ-



რება სსფ-ს ოფიციალურ პოზიციას ეწინააღმდეგება. "უფრო მეტიც, მაღალი ვალები ეკონომიკის სწრაფ ზრდას ხელ უშლის. თუ პოლიტიკოსები მკაცრი ზომების გატარებაზე საჯაროდ უარს იტყვიან, ეს ძირს გამოუთხრის ნდობას ბაზრებზე", - გა-

ნაცხადა შოიბლემ ლაგარდის სიტყვით გამოხატვის შემდეგ. თავად ლაგარდმა განაცხადა, რომ საერთაშორისო სავალუტო ფონდმა და ბრიუსელმა სათანადოდ ვერ შეაფასა ხარჯების შემცირების ურაცოფიითი გავლენა ეკონომიკის

ზრდაზე. თუ გლობალური ეკონომიკის შესუსტება გაგრძელდება, მაშინ საბიუჯეტო ზრდა არ მოხერხდება. უნდა შეიქმნას ავტომატური სტაბილიზატორები, როგორცაა გადასახადების შემცირება ან სოციალური ხარჯების გაზრდა - ეს დაეხმარება ეკონომიკის ზრდას კრიზისის გაღრმავების შემთხვევაში.

ამის კარდა, ფონდის ხელმძღვანელმა კრისტინ ლაგარდმა თავის გამოსვლაში ევროპასა და ამერიკის შეერთებული შტატებებს სირთულეების დაძლევისკენ მოუწოდა და გააფრთხილა, რომ გლობალურ ეკონომიკა იმაზე უარეს მდგომარეობაში აღმოჩნდა, ვიდრე ექსპერტების ყველაზე პესიმისტური მოლოდინი იყო.

ფისკალური და ვალის პრობლემების მოსაგვარებლად ევროპულ ლიდერებს მოუწევთ, საბერძნეთს დამატებითი ორი წელი მისცენ, რათა მან დახმარების პროგრამებით გათვალისწინებული ვალდებულებები შეასრულოს.

"ჩვენი რეკომენდაციით, პორტუგალიასა და ესპანეთს დამატებითი დრო მიეცა, ახლა იგივე უნდა გაკეთ-

დეს საბერძნეთის მიმართაც. არაერთხელ განვცხადებ და ახლაც ვამეორებ, რომ დამატებითი ორი წელი აუცილებელია საბერძნეთისთვის, რათა ამ ქვეყანამ ფისკალური პროგრამის განხორციელება შეძლოს, ანუ ჩვენ განაჩენის გამოტანა ორი წლით უნდა გადავუვადოთ", - ამბობს ლაგარდი.

დეფოლტისგან საბერძნეთმა თავის დაღწევა კრედიტორთა "სამეულისგან" 31,5 მილიარდი ევროს სესხის მიღებით უნდა მოახერხოს. თუმცა ევროკავშირი, ევროპის ცენტრალური ბანკი და საერთაშორისო სავალუტო ფონდი მზად არიან, აეთენს კრედიტი იმ შემთხვევაში გამოუყონ, თუ ქვეყანა საბიუჯეტო თანხებს მკვეთრად შეამცირებს.

საბერძნეთში საბიუჯეტო ხარჯების ნებისმიერი შემცირება გაფიცვებს ინვესტს. ამის მიუხედავად, ათენი მზად არის, მომდევნო ორი წლის განმავლობაში, საბიუჯეტო ხარჯები 13,5 მილიარდი ევროთი შეამციროს, თუმცა აცნობიერებს, რომ ხარჯების შემცირება კრიზისს გააღრმავებს და უმუშევრობას გამოიწვევს.

## Google-ი ყველაზე სასურველი დამსაქმებელი გახდა

თინა გავაძა

"Google"-ი, "Apple"-ი და "Microsoft"-ი ყველაზე მოთხოვნილი დამსაქმებლების რეიტინგის ლიდერები გახდნენ. რეიტინგი სოციალურმა ქსელმა LinkedIn-მა პირველად შეადგინა, იუწყება RBC.

ქსელმა 2 მილიონამდე კომპანიის ვებ-გვერდებისა და მომხმარებელთა მათი ურთიერთქმედების განალიზების შედეგად ასე ყველაზე სასურველი დამსაქმებელი გამოავლინა. "Google"-ის, "Apple"-ისა და "Microsoft"-ის გარდა, პირველ ხუთეულში მოხვდა "Facebook"-ი, ახალ 20 მოთამაშეს შორის კი არის პროგრამული უზრუნველყოფის შემქმნელი "Salesforce.com"-ი, ასევე მიკრობლოგების სერვისი "Twitter"-ი, ტურისტული ონლაინ-რე-



სურსი "Expedia" და კონსალტინგური კომპანია "Accenture"-ი.

რეიტინგის ლიდერ კომპანიაში - "Google"-ში მუშაობა ისევე როგორც "Unilever"-სა და "Microsoft"-ში, ყველაზე მეტად მარკეტინგის სპეციალისტებს სურთ. ამ კომპანიაში, ისევე როგორც "Apple"-სა და "Facebook"-ში დასაქმებულ უმაღლესი სასწავლებლების კურსდამთავრებულებიც ოცნებობენ.

"LinkedIn"-ი პროფესიონალური ნაცნობობისთვის განკუთვნილი ერთ-ერთი ყველაზე პოპულარული სოციალური ქსელია მსოფლიოში. მიმდინარე წლის აგვისტოს მონაცემებით, მისი მომხმარებლების რაოდენობა 175 მილიონს აჭარბებდა.

კანადაში ყველაზე მიმზიდველი დამსაქმებელი პროფესიონალებისთვის ენერგეტიკული კომპანია "Suncor Energy"-ი გახდა, ავსტრალიასა და ბრა-

ზილიაში - სამთო კომპანია "Rio Tinto" და "Vale", ხოლო ინდოეთში - კონსალტინგური კომპანია "Accenture".

ამავდროულად LinkedIn-ის ექსპერტებმა მრეწველობის სექტორის რეიტინგები შეადგინეს. როგორც აღმოჩნდა, ფინანსისტებს უფრო აუდიტორულ ფირმებში: "Deloitte"-ში, "PricewaterhouseCoopers"-სა და "Ernst & Young"-ში, სურთ მუშაობა, ხოლო მარკეტინგის პროფესიონალებს კომპანიაში: "Google"-ში, "Unilever"-სა და "Microsoft"-ში.

რეიტინგის შედეგების კრიტიკულ მხარეს მოხდა "LinkedIn"-ში კომპანიების ოფიციალური საიტების მონახულების სისწორე და მათი ხელისმომწერთა რაოდენობა. მილიანად სიაში "IT" სექტორის წარმომადგენლები დომინირებენ.

| 0% - ღან

# შეიძინეთ ახალი ან მეორადი ავტომობილი



 ბანკი რესპუბლიკა  
BANK REPUBLIC

ჯგუფი სოსოშვილი ქაჩაიაძე

290 90 90  
\* 90 90  
BR. GE



# სსიპ კონსტიტუციონალიზმის კვლევისა და ხელშეწყობის რეგიონალური ცენტრი

პირველი რეგიონალური ორგანიზაცია კონსტიტუციონალიზმის სფეროში ხელმძღვანელი ავთანდილ დემეტრაშვილი

## „კონსტიტუციონალიზმის ბაკვეთილები“

წაკითხვა → შეიქმნა → დაიბეჭდა

### ყოველკვირეული რუბრიკა

უძველესი კონსტიტუციონალიზმის კვლევისა და ხელშეწყობის რეგიონალური ცენტრის ხელმძღვანელი ავთანდილ დემეტრაშვილი

#### მუხლი 77

საქართველოს პრეზიდენტის უფლებამოსილებათა განხორციელების ხელშეწყობის მიზნით იქმნება საქართველოს პრეზიდენტის ადმინისტრაცია. საქართველოს პრეზიდენტის ადმინისტრაციის უფროსს თანამდებობაზე ნიშნავს და ათავისუფლებს, ადმინისტრაციის სტრუქტურასა და საქმიანობის წესს განსაზღვრავს საქართველოს პრეზიდენტი.

საქართველოს პრეზიდენტის ადმინისტრაცია (შემდგომში – ადმინისტრაცია) იქმნება საქართველოს კონსტიტუციითა და სხვა საკანონმდებლო აქტებით გათვალისწინებული საქართველოს პრეზიდენტის უფლებამოსილებათა განხორციელების ხელშეწყობის მიზნით. ადმინისტრაციის ზოგად ხელმძღვანელობას პრეზიდენტი ახორციელებს, სწორედ პრეზიდენტი ადგენს ადმინისტრაციის სტრუქტურული ერთეულების დებულებებსა და ადმინისტრაციის სამტატო რიცხოვნობას. პრეზიდენტის ადმინისტრაცია თავის საქმიანობაში ხელმძღვანელობს საქართველოს კონსტიტუციით, კანონებით, საქართველოს პრეზიდენტის ადმინისტრაციის დებულებით და საქართველოს პრეზიდენტის სხვა სამართლებრივი აქტებით. ადმინისტრაციის მიმდინარე საქმიანობას ხელმძღვანელობს ადმინისტრაციის უფროსი, რომელსაც თანამდებობაზე ნიშნავს და თანამდებობიდან ათავისუფლებს საქართველოს პრეზიდენტი.

საქართველოს პრეზიდენტის ადმინისტრაცია თავისი კომპეტენციის ფარგლებში უზრუნველყოფს: საქართველოს პრეზიდენტის მიერ ქვეყნის საშინაო და საგარეო პოლიტიკის წარმართვის პირობების შექმნას; პრეზიდენტის კანონშემოქმედებით საქმიანობას, მისი აქტების პროექტების მომზადებას, პრეზიდენტის ხელმოსაწერად წარმოდგენილი კანონების ექსპერტიზას და გამოქვეყნებას; საქართველოს პრეზიდენტის ნორმატიული აქტებისა და განკარგულებების პროექტების ექსპერტიზას; საქართველოს მთავრობის, სამინისტროებისა და მათი ტერიტორიული ორგანოების მუშაობის კოორდინაციას საქართველოს პრეზიდენტის საქმიანობასთან; აღმასრულებელი ხელისუფლების ცენტრალური და ადგილობრივი ორგანოების, სხვა სახელმწიფო ორგანოების მიერ საქართველოს პრეზიდენტის აქტებისა და დავალებების შესრულების საერთო კონტროლს; საქართველოს პრეზიდენტის ინფორმირებას ქვეყნის საშინაო და საგარეო მდგომარეობის შესახებ; სახელმწიფო ორგანოების შექმნის, რეორგანიზაციის ან ლიკვიდაციის თაობაზე პროექტების ან წინადადებების მომზადებას; საქართველოს პრეზიდენტის საქმიანობის ინფორმაციულ-ანალიტიკურ უზრუნველყოფას; საქართველოს პრეზიდენტის ურთიერთობას საქართველოს პარლამენტთან, საქართველოს მთავრობასთან, საერთაშორისო ორგანიზაციებთან, მოქალაქეთა პოლიტიკურ და საზოგადოებრივ გაერთიანებებთან და სხვა ინსტიტუტებთან; ქვეყნის მდგომარეობის უმნიშვნელოვანეს საკითხებზე პარლამენტში წარსადგენად საქართველოს პრეზიდენტის მოხსენების პროექტის მომზადებას; დამოუკიდებელი მარეგულირებელი კომისიებისა და იმ სახელმწიფო ორგანოების მუშაობის კოორდინაციას, რომლებიც არ შედიან მთავრობის შემადგენლობაში და კანონმდებლობით საქართველოს პრეზიდენტის გამგებლობის სფეროს მიკუთვნებული სხვა საკითხების რეგულირების ხელშეწყობას.

ადმინისტრაციის თანამშრომლები არიან საჯარო მოსამსახურეები, რომლებიც უზრუნველყოფენ საქართველოს პრეზიდენტის ადმინისტრაციის დებულებით და მოქმედი კანონმდებლობით მათზე დაკისრებული ამოცანების შესრულებას.

#### ვერიკო ლატარია

კონსტიტუციონალიზმის კვლევისა და ხელშეწყობის რეგიონალური ცენტრის სამოქალაქო განათლებისა და საზოგადოებასთან ურთიერთობის დეპარტამენტის წამყვანი სპეციალისტი

#### მუხლი 78

1. მთავრობა საქართველოს კანონმდებლობის შესაბამისად უზრუნველყოფს აღმასრულებელი ხელისუფლების, ქვეყნის საშინაო და საგარეო პოლიტიკის განხორციელებას. მთავრობა პასუხისმგებელია საქართველოს პრეზიდენტისა და პარლამენტის წინაშე.
  2. მთავრობა შედგება პრემიერ-მინისტრისა და მინისტრებისაგან. მთავრობის შემადგენლობაში შეიძლება იყოს სახელმწიფო მინისტრი (სახელმწიფო მინისტრები). პრემიერ-მინისტრი უფლებამოსილია მთავრობის ერთ-ერთ წევრს დააკისროს პირველი ვიცე-პრემიერის, აგრეთვე ერთ ან რამდენიმე წევრს – ვიცე-პრემიერის მოვალეობის შესრულება. მთავრობა და მთავრობის წევრები უფლებამოსილებას იხსნიან საქართველოს პრეზიდენტის წინაშე.
  21. პირველი ვიცე-პრემიერისა და ვიცე-პრემიერის მოვალეობის დაკისრების წესი და უფლებამოსილებები განისაზღვრება კანონით.
  3. მთავრობა კონსტიტუციის, კანონებისა და პრეზიდენტის ნორმატიული აქტების საფუძველზე და მათ შესასრულებლად იღებს დადგენილებასა და განკარგულებას, რომლებსაც ხელს აწერს პრემიერ-მინისტრი.
  4. საქართველოს პრეზიდენტი უფლებამოსილია განსაკუთრებით მნიშვნელოვან სახელმწიფოებრივ საკითხებთან დაკავშირებით მოიწვიოს და თავმჯდომარეობდეს მთავრობის სხდომას. სხდომაზე მიღებული გადაწყვეტილება ფორმდება პრეზიდენტის აქტით.
  5. მთავრობის სტრუქტურა, უფლებამოსილება და საქმიანობის წესი განისაზღვრება კონსტიტუციითა და კანონით, რომლის პროექტსაც პარლამენტს წარუდგენს მთავრობა პრეზიდენტთან შეთანხმებით.
  6. მთავრობა უფლებამოსილია გადადგეს საკუთარი გადაწყვეტილებით.
  7. მთავრობის უფლებამოსილება იწყება კონსტიტუციით დადგენილი წესითა და შემთხვევებში მთავრობის წევრების დანიშვნისთანავე.
- საქართველოს აღმასრულებელი ხელისუფლების ორგანოთა სისტემაში საქართველოს მთავრობა არ არის აღმასრულებელი ხელისუფლების უმაღლესი ორგანო, იგი მხოლოდ უზრუნველყოფს აღმასრულებელი ხელისუფლების, ქვეყნის საშინაო და საგარეო პოლიტიკის განხორციელებას. საქართველოს მთავრობის დამოუკიდებლობის დაბალი ხარისხის მიუხედავად, მას ეკისრება პასუხისმგებლობა აღმასრულებელი ხელისუფლების განხორციელებისათვის. პრემიერ მინისტრი კონსტიტუციაში მთავრობის თავმჯდომარედ არის წოდებული. მინისტრი კი ხელმძღვანელობს სამინისტროს, წარმართავს მის საქმიანობას, თვალყურს ადევნებს სამინისტროში შემავალი სტრუქტურული ერთეულების საქმიანობას, თანამდებობაზე ნიშნავს და თანამდებობიდან ათავისუფლებს სამინისტროს სამტატო განრიგით გათვალისწინებულ საჯარო მოხელეებს, პრემიერ მინისტრს წარუდგენს წინადადებას სამინისტროს წლიური ბიუჯეტის შემოსავლისა და გასავლის საკითხებზე. შინაგან საქმეთა და თავდაცვის მინისტრები ანგარიშს აბარებენ აგრეთვე საქართველოს პრეზიდენტს. მთავრობის დადგენილება არის ნორმატიული აქტი, რომლის მომზადების, მიღება-გამოცემისა და ძალაში შესვლის წესი განისაზღვრება „ნორმატიული აქტების შესახებ“ საქართველოს კანონით. საქართველოს პრეზიდენტი უფლებამოსილია შეაჩეროს ან გააუქმოს მთავრობისა და აღმასრულებელი ხელისუფლების დაწესებულებათა აქტები, თუ ისინი ეწინააღმდეგება საქართველოს კონსტიტუციას, საერთაშორისო ხელშეკრულებას და შეთანხმებას, კანონებსა და პრეზიდენტის ნორმატიულ აქტებს, გარდა საქართველოს იუსტიციის მინისტრის და საქართველოს პროკურატურის უფლებამოსილი თანამდებობის პირების მიერ საპროკურორო უფლებამოსილების განხორციელებათა დაკავშირებით გამოცემული აქტებისა. საქართველოს პრეზიდენტი განსაკუთრებით მნიშვნელოვან საქმეებზე იწვევს და ხელმძღვანელობს მთავრობის სხდომას, განსაზღვრავს დღის წესრიგს და მიღებულ გადაწყვეტილებას აფორმებს პრეზიდენტის აქტით. მთავრობის საქმიანობის ორგანიზაციული უზრუნველყოფის მიზნით, მთავრობის სტრუქტურაში არის მთავრობის კანცელარია. კანონის ან მთავრობის დადგენილების საფუძველზე მთავრობის სტრუქტურაში სხვადასხვა სფეროებში სახელმწიფოებრივი ამოცანებისა და სხვა საჯარო ფუნქციების განსახორციელებლად გათვალისწინებულია სახელმწიფო საქვეუწყებო დაწესებულებების, დროებითი და მუდმივმოქმედი კომისიებისა და საბჭოების შექმნა. სახელმწიფო მმართველობის სისტემაში, მთავრობის ფუნქციების უმეტესი ნაწილის განხორციელება და გადაწყვეტა ხდება მთავრობის, როგორც კოლექტიური ორგანოს სხდომებზე. პარლამენტის უფლებამოსილება იწყება პარლამენტის მიერ დადგენილი პროცედურების შესაბამისად ნდობის მიღების შემდგომ. საქართველოს მთავრობა უფლებამოსილებას იხსნის საქართველოს პრეზიდენტის წინაშე.

აკაკი კუხალიძევილი  
კონსტიტუციონალიზმის კვლევისა და ხელშეწყობის რეგიონალური ცენტრი, საერთაშორისო ურთიერთობებისა და სამეცნიერო კვლევების დეპარტამენტის სპეციალისტი

ქ.პათყვი, საქართველო ა.შ.შ.ს. ქ.ნ26  
ტელ: (+995 32) 2 72 57 12; (+995 32) 2 72 57 21  
WWW.CONSTCENTRE.GOV.GE

### მავრიტანიის სამხედრო პატრულმა საკუთარი პრეზიდენტი დაჭრა

ქვეყნის დედაქალაქ ნუაკოტში მოხდა ინციდენტი, რომლის გამოც შემთხვევით დაიჭრა ქვეყნის პრეზიდენტი მოჰამედ ულდ აბდელ აზიზი. სამხედრო პატრული ვერ გაერკვა სიტუაციაში - ანუ მათ ვერ იცნეს ქვეყნის პრეზიდენტის კორტეჟი და მანქანებს ცეცხლი გაუხსნეს. საბედნიეროდ პრეზიდენტი მხოლოდ ხელში დაიჭრა და მის სიცოცხლეს საფრთხე არ ემუქრება. აბდელ აზიზს ნარმატებით ჩაუტარეს სასწრაფო ოპერაცია სამხედრო ჰოსპიტალში, სარეაბილიტაციო-სამკურნალო კურსს ის უცხოეთში გაივლის. პრეზიდენტი გუშინვე გადაიყვანეს პარიზში. სამხედრო ჰოსპიტალი გაძლიერებულ დაცვაზე გადაიყვანეს სპეცსამსახურებმა. თავიდან როდესაც მისი დაჭრის შესახებ ინფორმაცია გავრცელდა, ყველამ ეჭვი ისლამისტებზე მიიტანა. კომუნიკაციის მინისტრმა ჰამდი ულდ მაჯუმბა ტელევიზიით გამოსვლისას განაცხადა, რომ პრეზიდენტი თავს კარგად გრძობს და ის თვითონ გადმოვიდა მანქანიდან სამხედრო ჰოსპიტალში მიყვანისას.

პრეზიდენტი აბდელ აზიზი მავრიტანიის სათავეში მივიდა სამხედრო გადატრიალების შედეგად 2008 წელს. ერთ წელიწადში მან გამარჯვება საპრეზიდენტო არჩევნებში, რომლის ჩატარებაც მოხერხდა აბდელ აზიზის მიერ პოლიტიკურ ოპონენტებთან შეთანხმების მიღწევის შემდეგ. დასავლეთის სახელმწიფოებში აბდელ აზიზს მიიჩნევენ ისლამისტების სერიოზულ საპირიონედ მთელ რეგიონში. ამ უკანასკნელების პოზიციები განსაკუთრებით ძლიერია მეზობელ მალიში.

### ბრიტანეთი 2013 წელს ავღანეთიდან 4500-მდე ჯარისკაცს გამოიყვანს

ქვეყნის თავდაცვის მინისტრის ფილიპ ჰემონდის განცხადების თანახმად უკვე მიმდინარე, 2012 წლის ბოლომდე ავღანეთს დატოვებს 500 სამხედრო პირი და შესაბამისად ბრიტანული კონტიგენტი იქ ცხრა ათას კაცამდე შემცირდება. 2013 წელს იგეგმება კიდევ არამდენიმე ათასი ჯარისკაცის გამოყვანა, მაგრამ ეს არ იქნება იქ არსებული კონტიგენტის ნახევარზე მეტი. ეს ნიშნავს, რომ ბრიტანეთმა ავღანეთიდან გაისად შეიძლება გაიყვანოს 4,5 ათასამდე სამხედრო მოსამსახურე. (მთლიანად ნატოს კონტიგენტმა ავღანეთი 2014 წელს უნდა დატოვოს). ფილიპ ჰემონდი ადრეც აცხადებდა, რომ დიდმა ბრიტანეთმა შეიძლება დააქაროს ჯარების ავღანეთიდან გაყვანა იმის მიხედვით, თუ რამდენად მალე იქნებიან მზად ავღანელები პასუხისმგებლობის საკუთარ თავზე ასაღებად. ჰემონდმა ისიც თქვა, რომ ის გაოცებულია ავღანელებისთვის სხვადასხვა ზონების გადაბარების პროცესის სისწრაფით. მხოლოდ ბოლო ნახევარი წლის განმავლობაში დიდმა ბრიტანეთმა გილმენდში დახურა 52 ბაზა და ბლოკ-პოსტი. შედეგად იქ ახლა 34 სამხედრო ობიექტია დარჩენილი. ფილიპ ჰემონდის თქმით მთავარი ამოცანა შესრულებულია - "ალ კაიდა" განადგურებულია, ამის შემდეგ კი ჩვენ ვერ მოვითხოვთ სამხედრო მოსამსახურეებისგან სიცოცხლის განირვას ავღანეთის სახელმწიფო მშენებლობისთვის.

### გერმანია ირანის წინააღმდეგ სანქციების გამაძვრებას მოითხოვს

საგარეო საქმეთა მინისტრმა გვიდო ვესტერველემ მოითხოვა ირანის წინააღმდეგ სანქციების გამაძვრება. მისი სიტყვებით ოფიციალურ თერანს არ სურს თანამშრომლობა საერთაშორისო თანამეგობრობასთან ირანის ბირთვული პროგრამის გარშემო არსებული კონფლიქტის მოსაგვარებლად. ვესტერველეს სიტყვებით, რადგან ირანი პოზიციას არ ცვლის, საჭიროა მასზე ზეწოლის გაძლიერება. ორშაბათს ირანის ბირთვული პროგრამის საკითხი განიხილება ევროკავშირის საგარეო საქმეთა მინისტრების შეხვედრაზე. ევროპის სახელმწიფოთა ლიდერები ამტკიცებენ, რომ ირანი ბირთვულ იარაღს ქმნის, თერანი კი ამას უარყოფს.

### ანტინარკოტიკული ოპერაცია საფრანგეთსა და შვეიცარიაში

17 ადამიანი დაკავეს საფრანგეთში და 3 შვეიცარიაში უმსხვილესი ოპერაციის ფარგლებში. მათ ბრალდებდა 40 მილიონი ევროს გათეთრება. ეს ფული კი ნარკოტიკების გასაღებიდან არის მიღებული. დაპატიმრებულთა შორის არის პარიზის მეტამეტე ოლქის ვიცე-მერი ფლორანს ლამბლენი. 9 ადამიანს, მათ შორის მწვანეთა პარტიის წარმომადგენელ ლამბლენს ნაუყენეს ბრალდებები ფულით გათეთრებასა და ნარკოტიკებით ვაჭრობაში. დაპატიმრებები მოჰყვა მასშტაბურ გამოძიებას, რომელიც ეხებოდა მარისუანის კონტრაბანდის მაროკოდან პარიზში. საფრანგეთის პოლიციის ცნობით ეს არის ერთ-ერთი უმსხვილესი ოპერაცია იმის გამოსაძიებლად, თუ როგორ ხვდება ნარკოტიკები ევროკავშირში. მილიონობით ევროს აღმოჩენილი როგორც საბანკო ანგრი-შებზე, ასევე ნაღდი ფულით სახით სეიფებში. ფლორანს ლამბლენის ადვოკატმა მედიას განუცხადა, რომ მისი კლიენტი არანაირად არ არის დაკავშირებული გამოძიებასთან და მის მიმართ ბრალდების წაყენება "მართლმსაჯულების შეცდომის" შედეგია.

### ლვოვში უკრაინის ამხობებულთა არმიის 70 წლიანი იუბილე აღნიშნეს

ნაციონალისტებმა და ანტისაბჭოთა მოძრაობის ვეტერანებმა ლვოვში სამდღიანი ზეიმით აღნიშნეს უკრაინის ამხობებულთა არმიის (უაა) შექმნის 70 წლის იუბილე. ზეიმი პარასკევს დაიწყო და კვირას დამთავრდა. საზეიმო პროგრამის ფარგლებში გაიხსნა უკრაინის გამათავისუფლებელი მოძრაობის ისტორიის მუზეუმი. პარასკევს ვეტერანები ლვოვის საოლქო საბჭოს თავმჯდომარემ დააჯილდოვა სამახსოვრო სამკერდე ნიშნებით, კვირას ლვოვში გაიხსნა "უაა"-ს მეომართა ძეგლი, გაიმართა "უაა"-ს დიდების მარში", აგრეთვე "უაა"-ს და "ენ-კა-ვე-დე"-ს ცნობილი ბრძოლის ისტორიული რეკონსტრუქცია.

მომზადდა ივა შილაკაძემ

# რუსეთში ადგილობრივი არჩევნები ჩატარდა

## ნა პლაკატი

კვირას რუსეთის 83 რეგიონიდან 77-ში ჩატარდა სხვადასხვა დონის ადგილობრივი არჩევნები. თითქმის 8 წლიანი შესვენების შემდეგ კვლავ დაშვებულია ოლქების გუბერნატორების არჩევა და გუშინ რუსეთის ფედერაციის ხუთ სუბიექტში ტარდებოდა პირველი პირის არჩევნები. ეს არის: ამურის, ბრიანსკის, ბელგოროდის, ნოვგოროდის და რიაზანის ოლქები. ძალიან დიდი ყურადღება ექცეოდა მერის არჩევნებს მოსკოვის სატელიტ პატარა ქალაქ ხიმკოში, რომელსაც მედიაში მოსწრებულად უწოდეს "სრულიად რუსეთის მასშტაბის მერი".

4848 სხვადასხვა დონის არჩევნებსა და რეფერენდუმებში მონაწილეობა უნდა მიეღო 22 მილიონ ამომრჩეველს, რაც შეადგენს ხმის უფლების მქონე რუსეთის მოქალაქეთა მეხუთედს. ექვს რეგიონში: ოსეთში, უღმურტიაში, რასანოდარის მხარეში, პენზის, სარატოვის და სახალინის მხარეებში ირჩევდნენ რეგიონულ პარლამენტებს, კალინინგრადში ირჩევდნენ ქალაქის თავს. მოსკოვის ოლქში ხიმკის გარდა კიდევ 16 რაიონში ირჩევდნენ მერებს და ადგილობრივ დეპუტატებს. არჩევნებში მონაწილეობა გადაწყვიტა 59676 ადამიანმა, მათგან დაარეგისტრირეს 57175 კაცი.

პრინციპში არსად და განსაკუთრებით გუბერნატორების არჩევნებში პოლიტოლოგები და ექსპერტები სიურპრიზებს არ ელოდებოდნენ. ვარაუდობდნენ, რომ გაიმარჯვებდნენ ხელისუფლების კანდიდატები, ან უკიდურეს შემთხვევაში მათ "გამარჯვებინებდნენ".

არჩევნების მიმდინარეობის შესახებ დამატებულად განსხვავებული ინფორმაცია მიდიოდა მედიაში ხელისუფლებიდან და არჩევნებზე დამკვირვებელი არასამთავრობო ორგანიზაციებისგან. შინაგან საქმეთა სამინისტროს საზოგადოებრივი წესრიგის უზრუნველყოფის სამმართველოს უფროსმა იური დემიდოვმა განაცხადა, რომ არჩევნები ტარდება მშვიდ ვითარებაში, საპარლამენტო და საპრეზიდენტო არჩევნებისგან განსხვავებით ხმის მიცემა მიმდინარეობს უფრო ცივილიზებულად და მშვიდად. სულ სხვა შთაბეჭდილება



რჩებოდათ დამკვირვებლებს. უკვე დღის განმავლობაში იყო მონაცემები უამრავი დარღვევის შესახებ. გამოყენებულ იქნა რუსეთისა და საერთოდ პოსტსაბჭოთა სივრცის ქვეყნების უმრავლესობისთვის მთელი "ტრადიციული პაკეტი" არჩევნების გასაყალბებლად: გაურკვევლობა სივრცეში, ბიულეტენების შეკვრების ჩაყრა, "კარუსელები", აგიტაცია უზენებთან, ამომრჩეველთა ავტობუსებით მიყვანა ხმის მისაცემად, სხვა უბანში (არა საცხოვრებელი ადგილის მიხედვით) ხმის მიცემის დოკუმენტის ენ. "ოტკრეპიტელნი" მონაწილის ქუჩებში დარიგება, დამკვირვებლისთვის მუშაობაში ხელის შეშლა და სხვა. მაგალითად იუვესკოი სხვა ბიულეტენები მიიტანეს და ხალხი სხვის კანდიდატებს აძლევდა ხმას. საინტერესოა, რომ დღის პირველ ნახევარში ცენტრალური საარჩევნო კომისიის ხელმძღვანელმა ვლადიმირ ჩუროვმა მხოლოდ გაუმართავი შეუქმნიანი აღმოაჩინა, რომელიც მას ხელი შეუშალა ერთ-ერთ უბანში დროულად მისვლაში.

საინტერესოა ვითარება იყო ბრიანსკოში. იქ მმართველი პარტიის წარმომადგენელი, მოქმედი გუბერნატორი ნიკოლაი დენინი არჩევნებამდე ცოტა ხნით ადრე სასართლო მოხსნა არჩევნიდან (ადვოკატი წარმოსადგენია როგორი თვალსაჩინო დარღვევები იყო მის დოკუმენტებში). მისდამი "სოლი-

დარობის ნიშნად" ყველა კონკურენტმა მოხსნა კანდიდატურა კომუნისტების წარმომადგენლის ვადიმ პოტომსკის გარდა. სასამართლომ ბოლო წუთში დააბრუნა დენინი და გუბერნატორის არჩევნები გარანტირებულად ერთ ტურად ტარდება. კომუნისტებმა ქალაქში აღმოაჩინეს "ოტკრეპიტელნი" ქუჩაში, პირდაპირ მანქანიდან დარიგების ფაქტი. სცადეს ამისთვის ხელის შეშლა. "დამნაშავეთა" მერსედესი ადგილიდან სწრაფად დაიძრა, კამოტზე ჩაჭიდებული კომუნისტების წარმომადგენელი სამას მეტრზე ათრია და შემდეგ "ჩამოაგდო". ტულის ოლქის ერთ-ერთ ქალაქში კომისიის წევრმა "იბლოკოდან" ლოუდმილა ეგოროვამ აღკვეთა ბიულეტენების შეკვრის ურნაში ჩაყრის ფაქტი, ამას ორი ახალგაზრდა ცდილობდა. ეგოროვამ მათ 80 ბიულეტენი წაართვა, ინციდენტის გამო უკვე იქ მისული პოლიციელების თვალწინ კი ახალგაზრდებმა კომისიის წევრისთვის ბიულეტენები ისევ წართმევა სცადეს და ამ "ჭიდაობაში" თითო მოსტეხეს...

დღის მეორე ნახევარში უკვე გამოჩნდა წინასწარი შედეგები რუსეთის აღმოსავლეთის ოლქებიდან, სადაც უბნები ადრე დაიხურა. "ედინაია როსია" განაცხადა, რომ მათი წარმომადგენლები ლიდერობენ სახალისის საოლქო დუშის, აგრეთვე ქალაქების ვლადივოსტოკისა და პეტროპავლოვსკ-კამჩატკის

პარლამენტებში.

ყველაზე დაძაბული ბრძოლა მიმდინარეობდა ქალაქ ხიმკოში, სადაც 13 კანდიდატი იბრძოდა მერობისთვის. მთავარი კონკურენტები იყვნენ "ედინაია როსიას" წარმომადგენელი ოლეგ შახოვი და ეკოლოგიური მოძრაობის თვალსაჩინო წარმომადგენელი, ხიმკის ტყის დამცველი და ოპოზიციის ერთ-ერთი ლიდერი ევგენია ჩირიკოვა. მას მხარს უჭერდა თითქმის მთელი ლიბერალური ოპოზიცია და ინტელიგენციის დიდი ნაწილი. მათ შორის პრეზიდენტობის ყოფილი კანდიდატი მილიარდერი პროხოროვი, ცნობილი რეჟისორი ელდარ რიაზანოვი და სხვები. ხიმკოში თითო უბანზე იმყოფებოდა 15-17 დამკვირვებელი, რომელთა შორის იყო ოპოზიციის ერთ-ერთი ლიდერი ალექსეი ნავალნიც. მიუხედავად ასეთი ინტერესისა დიდიხანა დაფიქსირდა უამრავი დარღვევა, მათ შორის სივრცეში დაკავშირებით, რაზეც მედიასთან ნავალნიცმა ისაუბრა. სალამოს, უბნების დახურვამდე "ვიკომ"-მა გამოაქვეყნა ნახევარი დღის გამოკითხვის შედეგები, რომლის თანახმადაც ლიდერობდა ოლეგ შახოვი 43 პროცენტით, ჩირიკოვას კი 20 პროცენტი ჰქონდა.

რუსეთის არჩევნების შედეგებს ჩვენ ხვალ ისევ დავუბრუნდებით.

# აშშ უმცროსი ბაკივის ექსტრადაცია მოითხოვს

ყირგიზეთის გაძევებული პრეზიდენტის ყურმანბეკ ბაკივის ვაჟი მაქსიმ ბაკიევი, დიდ ბრიტანეთში, აშშ-ს ხელისუფლების მოთხოვნით დააკავეს. აშშ ცდილობს მიაღწიოს ბაკივის ექსტრადაციას, რადგან მას ბრალად ედება თაღლითობა.

სამართალდამცავების ცნობით, პარასკევს 34 წლის ბაკიევი გამოძახების შემდეგ თავად გამოცხადდა ლონდონის ერთ-ერთი ყველაზე პრესტიჟული რაიონის, ბელგრავიას პოლიციაში. რის შემდეგაც ის დააპატიმრეს და იმავე დღეს წარადგინეს სასამართლოს წინაშე.

აშშ-ში მას ბრალად ედება დანაშაულებრივ გარიგებაში მონაწილეობა, რომლის მიზანიც იყო თაღლითობაფასიანი ქალაქდებით და მართლმსაჯულების განხორციელებისთვის ხელის შეშლა. ბიშპეკში აშშ-ს საელჩომ დაადასტურა, რომ აშშ-ს იუსტიციის დეპარ-

ტამენტი ცდილობს მიაღწიოს მაქსიმ ბაკიევის ექსტრადაციას. "შეერთებულმა შტატებმა თხოვნით მიმართა გაერთიანებული სამეფოს, ბატონი ბაკიევის ექსტრადაციის საკითხზე, იმისთვის, რომ განიხილონ აშშ-ს ფედერალური სასამართლოს მიერ წაყენებული სერიოზული ბრალდებები" - ნათქვამია საელჩოს განცხადებაში. გასამართლების შემთხვევაში ბატონ ბაკიევის ელის ხანგრძლივი პატიმრობა.

ამ დროისთვის უცნობია ბაკიევის რეაქცია ამ საკითხთან დაკავშირებით.

ყირგიზეთში ხელისუფლების ბოლო ძალადობრივი შეცვლის შემდეგ, მაქსიმ ბაკიევი 2010 წელს ინგლისში ჩავიდა, სადაც ინტერპოლმა, ყირგიზეთის ახალი ხელისუფლების მოთხოვნით, ლონდონის აეროპორტშივე დააკავა, დაკავებიდან მალევე ბაკიევი გაათავი-

სუფლეს და როგორც შემდეგ ცნობილი გახდა, მას დროებითი თავშესაფარიც მისცეს.

პრეზიდენტმა ყურმანბეკ ბაკიევმა ყირგიზეთი დატოვა 2010 წლის აპრილში და ბელარუსს შეაფარა თავი. ეს მოხდა დედაქალაქ ბიშპეკში და ყოფილი საბჭოთა რესპუბლიკის სხვა ქალაქებში მასობრივი არეულობების შემდეგ. მას და მისი ოჯახის წევრებს ყირგიზეთში ბრალად სდებენ სხვადასხვა დანაშაულებებს, მათ შორის მასობრივ მკვლელობებს. 2010 წლის აპრილის არეულობების შედეგად დაიღუპა 90 ადამიანი, როდესაც სახელისუფლებო ძალებმა ცეცხლი გაუხსნეს დემონსტრანტებს. თუმცა ყურმანბეკ ბაკიევი უარყოფს რაიმე სახის კავშირს ძალადობასთან.

ყირგიზეთის განდევნილი პრეზიდენტის შვილს ბრალად ედება მილიონობით დოლარის მოპარვა, ქვეყნის ხაზინიდან.

მამის მმართველობის პერიოდში ის ხელმძღვანელობდა განვითარების, ინვესტიციებისა და ინოვაციების ცენტრალურ სააგენტოს.

ყირგიზეთის ამჟამინდელი პრეზიდენტის ალმაზბეკ ატამბაევის (ის 2011 წლის დეკემბერში ჩაუდგა ქვეყანას სათავეში) პრესსამსახური, ერთ-ერთი პირველი გამოცხადება ბაკიევის დაპატიმრებას. კომუნიკეში ნათქვამია, რომ ბაკიევი დაპატიმრეს ყირგიზეთის და ამერიკის მხარეების თხოვნით, "ძიმედ დანაშაულებების ბრალდებით". მაგრამ იქვე მითითებული იყო, რომ ბიშპეკსა და ლონდონს არ აქვთ გაფორმებული შეთანხმება ექსტრადაციის შესახებ, ამის გამო ამ ეტაპზე ბაკიევის ყირგიზეთისთვის გადაცემის საკითხი არ განიხილება.

ბი-ბი-სის მიხედვით მოამზადა სალომე ჯანიაშვილმა

# მდუმარე, რომელმაც ძალიან ბევრი თქვა

პირველი გვარდიანს


მოიხსენიებს ნობელის პრემიის მინიჭებას ფარნკფურტის წიგნის ბაზრობაზე თავმოყრილი სამწერლო საზოგადოება სხვადასხვაგვარად შეეხვდა. თუკი 85 წლის გერმანელი მწერალი მარტინ ვალზერი ჩინელ ნობელიანტს თანამედროვეობის ერთ-ერთ მნიშვნელოვან მწერალს უწოდებს და ფოლკნერის გვერდით აყენებს, 2009 წლის ნობელიანტმა პერტა მიულერმა ფრანკფურტში საჯაროდ აღნიშნა, რომ მოიხსენიებს ფავორიტი არ ყოფილა. ლიტერატურის კრიტიკოსი დენის შუკი მოიხსენიებს ლიტერატურის ცაზე ახალ ვარსკვლავს უწოდებს, რომელიც მუდამ ჩვენი თანამედვე იქნება.

მწერალი და კრიტიკოსი ელკე ჰაიდენრაიხი ამ პრემიის მოიხსენიების მინიჭებას პოლიტიკურად მოტივირებულად მიიჩნევს და აღნიშნავს, რომ ეს ისედაც პოლიტიკური პრემიაა და მას არც გაჰკვირვებია მოიხსენიების მისი მინიჭება. მას ისიც არ სჯერა, რომ მოიხსენიებენ უწოდებს შესაფერისი ავტორია. ჩინელი მწერალი და მოქალაქეთა უფლებების დამცველი იუ ჯი მწვავე სიტყვებს არ იშურებს: ვფიქრობ, ნობელის პრემია არ უნდა გადაეცეს ადამიანს, რომელიც მათ ძედუნს უმღერის, რაოდენ პოპულარულიც არ უნდა იყოს მისი ნაწარმოებები," - წერს ის საერთაშორისო პენ-კლუბის ვებ-გვერდზე.

"მდუმარე" - ასე ითარგმნება ჩინურიდან ლიტერატურის დარგში ნობელის პრემიის ახალი მფლობელის მოიხსენიების სახელი. ეს ლიტერატურული ფსევდონიმია, რომელიც გუან მოიემ 2009 წელს დაირქვა, ფრანკფურტის წიგნის ბაზრობაზე მონაწილეობის მიღებამდე, სადაც იგი თავის ქვეყანას წარმოადგენდა. მაშინ ერთ-ერთი დიდი გერმანული გაზეთი წერდა: მოიხსენიებს ლაპარაკი აუკრძალეს," რის შემდეგაც მოიხსენიებს არანაირი ინტერვიუ აღარ მიუცია.

მისი დუმის მიზეზი კი იყო არა ცენზურისადმი შიში, არამედ მწერალი ჟურნალისტებზე იყო გაბრაზებული. ის ერთ რომელიმე ჩარჩოში უნდა მოქცეულიყო: ან სახელმწიფო მწერალი უნდა ყოფილიყო, ან დასიდეინტი. და როცა მან ჩინურ დელეგაციასთან ერთად პროტესტის ნიშნად დატოვა საჯარო გამოსვლა, სადაც ჩინელ დისიდენტებს უნდა წარმოეთქვათ სიტყვა, ამით საკუთარი პოზიცია ღიად დააფიქსირა.

მოიხსენიებს 1955 წელს დაიბადა აღ-



მოსავლეთ ჩინეთის პროვინცია შანდონგში, სოფელ გაომიში. ხშირად სწორედ აქ თამაშდება მისი ნაწარმოებების ისტორიებიც. მის წიგნებში მართლაც ვერ შეხვდებით კრიტიკას ჩინეთის პოლიტიკური სისტემის მიმართ, როგორც, მაგალითად, ნობელის პრემიის 2000 წლის ლაურეატი ჰაო შინ ჯიანია, ანდა წლევეანდელი წიგნის ბაზრობის მშვიდობის პრემიის მფლობელი ლიაო იუი, რომელთაც ჩინელები თითქმის არ იცნობენ. მოიხსენიებს წიგნები კი, შეძლება ითქვას, ბესტსელერებს წარმოადგენს ჩინეთში.

დღეს ჩინურ ლიტერატურას ყველაფერზე ნერა შეუძლია, რისი სურვილიც ექნება, თავისებური შეზღუდვები კი ყველა ქვეყანაშია, - უთხრა მოიხსენიებს ჟურნალ თაიმსს. მწერალი ხომ მოვალეა, თავისი აზრები ნებისმიერ შემთხვევაში ღრმად დამარხოს და ყურადღება სახასიათოზე გაამახვილოსო. მან უმეტესად ტრაგიკომიკური ხასიათის წყალობით შეძლო, რომ ჩინელებისათვის ახლოს მიეტანა მათი წარსული. მისი რომანების სიუჟეტები, ძირითადად, ისტორიულ ჩინეთში თამაშდება. რომანი "სანდალუზის ხის სასჯელი" 1899 წლის ჩინეთზე გვიყვება, როცა მოკრივეთა აჯანყება მოხდა. მოიხსენიებს აღწერს კორუფციითა და სიხარბით დაავადებულ საზოგადოებას და მათ წერის ვულგარული და სასტიკი მანერით ამხელს. წიგნში პარალელურად აღწერილია დასავლელი კოლონიზატორების შესვლა ჩინეთში, რომლებიც იგნორირებას უკეთებდნენ ჩინურ კულტურას.

წიგნი "ზიზი" კი მე-20 საუკუნის ჩინეთს ეძღვნება, სადაც კრიტიკული ტონიც ისმის. მას დროს ლიტერატურა იარაღი იყო რევოლუციისათვის და მწერლებს საზოგადოება ისე უნდა წარმოედგინათ, როგორც ეს სოციალისტურ სურათს შეეფერებოდა," - განაცხადა მან ფრანკფურტში 2009 წელს.

თავის, როგორც მწერლის, მოვალეობას იგი იმაშიც ხედავს, რომ ეს ისტორიულად დამახინჯებული ხედავს შეცვალოს. თავისი გმირების დახმარებით იგი გვიყვება იმ ტკივილებზე, სისასტიკესა და აკრძალვებზე, რაც მათ ძედუნის ხანას ახლდა და რაც დღევანდელი ჩინეთის ხელი-

სუფლებასაც არ აკლია. კიდევ უფრო მეტად გამოკვეთილად საუბრობს იგი 2010 წელს გამოცემულ რომანში "ბაყაყი". აქ იგი აკრიტიკებს ჩინეთის ერთი შეილის" პოლიტიკას. თუმცა, როგორც სახელისუფლებო მწერალს, მას ამის უფლება არ აქვს. მწერლები საზოგადოების მკურნალები არიან, - ამბობს იგი 2009 წელს მიცემულ ინტერვიუში, - ჩვენი ვალია, აღმოვაჩინოთ მათი დაავადებები, მათ შორის, მთავრობისაც. მხოლოდ ლიტერატურას შეუძლია, საკუთარ თავს ნამდვილი კრიტიკისა და მხილების უფლება მისცეს."

მისი ისტორიები, იაპონელი მწერლის ჰარუკი მურაკამის მსგავსად, მაგიური რეალიზმის სტილშია დაწერილი, რაც ევროპულ მკითხველს, ერთი შეხედვით, უჩვეულოდ შეიძლება მოეჩვენოს. ჩინეთში მას კაფკასა და ფოლკნერს ადარებენ. მოიხსენიებს კრეატიული მთხრობელია, მისი წიგნები დაწერილია როგორც ხალხური ოპერა - გუნდით და სოლო არიებით; ანდა, მაგალითად, წარმოადგენს დიალოგს ჯოჯოხეთში, სადაც მინის მფლობელი განწირულია

იმისათვის, რომ ხელახლა დაბადებისას ღირს იქნება. სწორედ ამგვარი უცნაურობებია, რამაც მისი რომანები აღმოჩენად აქცია. ასე ფიქრობს, მაგალითად, გერმანელი მწერალი მარტინ ვალზერი, მათ იანის დიდი მხარდამჭერი და ბერლინის კინოფესტივალის ჟიურიც, რომლის რომანის მიხედვით გადაღებული ფილმი წითელი ყანა" ოქროს დათვით დააჯილდოვა.

არა მხოლოდ ჩინეთშია ადამიანი, რომელსაც ბევრი რამ აქვს სათქმელი, თუკი მას მოუსმენენ. მოიხსენიებს "მდუმარე" სულაც არ არის. ის, უბრალოდ, ხმამაღლა არ ლაპარაკობს," - წერს გერმანული პრესა. ჩვენ კი, ქართველი მკითხველები დასკვნებს ალბათ მას შემდეგ გამოვიტანთ, როცა მოიხსენიებს ერთ რომელიმე ნაწარმოებს მაინც წავიკითხავთ. სიმართლე, რაც უნდა დაიფაროს ანდა შელამაზდეს, სტრიქონებს შორის მაინც ყოყნავს ხოლმე, კონტექსტი კი მუდამ მრავლისგანმსახლრელია. ვის ვის და, ჩვენ მაინც, პოსტსაბჭოთა მკითხველს ეს არ გვესწავლება.

## თელავის ფესტივალის ბრძანება

პირველი გვარდიანს

2012 წლის მუსიკის საერთაშორისო ფესტივალის თელავში ფესტივალის დამაარსებლის, თანამედროვეობის გამოჩენილი პიანისტის - ელისო ვირსალაძის საკონცერტო მოღვაწეობის 50 წლისთავს ეძღვნება. მელომანები 18-21 ოქტომბერს თელავში გაატარებენ. ვიდრე ახალ პროგრამაზე მოგახსენებდეთ, თვალის განვილი ღონისძიებებს გადავავლოთ:

ფესტივალის ტარდება რეკონსტრუირებულ, განახლებულ თელავში. თელავის ვაჟა-ფშაველას სახ. დრამატული თეატრის ფოიეში მიმდინარეობს ელისო ვირსალაძისადმი მიძღვნილი გამოფენა, რომელზეც საქართველოს თეატრის, კინოსა და ქორეოგრაფიის სახელმწიფო მუზეუმში დაცული ექსპონატებია წარმოდგენილი; 19 ოქტომბერს გაიმართა წიგნის - "ელისო ვირსალაძე" - პრეზენტაცია.

ფესტივალის გახსნის კონცერტი 27 სექტემბერს შედგა, ხოლო საზე-

იმო დახურვა - 21 ოქტომბერს მოხდება. წლევეანდელი ფესტივალის ფარგლებში სულ 6 კონცერტი გაიმართება, აქედან სამი - საერთაშორისო საფესტივალო ორკესტრის თანხლებით. ორკესტრი საგანგებოდ ფესტივალისთვის დაკომპლექტდა და მასში მალაპროფესიონალი მუსიკოსები უკრავენ. ფესტივალს უძღვევიან დირიჟორები ანატოლი ლევინი და აღმოჩენა, 18 წლის ტიმურ ზანგიევი (ჩრდილოეთ ოსეთი), რომელსაც ასაკის მიუხედავად ევროპული მსმენელი კარგად იცნობს.

ფესტივალში მონაწილეობას იღებენ მუსიკოსები საქართველოდან, გერმანიიდან, ბულგარეთიდან, აზერბაიჯანიდან, შვეიცარიიდან, დიდი ბრიტანეთიდან, სომხეთიდან, კორეიდან, პორტუგალიიდან, ესპანეთიდან, რუსეთიდან, ყაზახეთიდან.

2012 წლის ფესტივალის გამორჩევა სოლისტების განსაკუთრებული შემადგენლობით, მათ შორის: ელისო ვირსალაძე, კოლა (ლუკას

ნიკოლაი) ბლაჰერი, ლიზა ბათიაშვილი, ბორის ბერეზოვსკი, ინგოლფ ტურბანს, ნატალია გუტმანი, ედუარდ ბრუნერი.

საფესტივალო საღამოები მსმენელს მრავალფეროვან პროგრამას სთავაზობს, რომელშიც მსოფლიო კლასიკური მუსიკის შედეგებია შესული. ფესტივალს საკმაოდ ხანგრძლივი ისტორია და დიდი ტრადიციები აქვს. ელისო ვირსალაძის მიერ 80-ან წლებში დაარსებულ ფესტივალს (სახელწოდებით "ქება ვახისა") ყოფილი საბჭოთა კავშირის ტერიტორიაზე ანალოგი არ მოეძებნებოდა, არც ფორმატით (კონცერტების სერია და მასტერკლასები), არც მონაწილეთა შემადგენლობით. შემდგომ, ქვეყანაში არსებული ვითარებისა და ობიექტური მიზეზების გამო, ფესტივალის აღარ ჩატარებულა.

2010 წლის ოქტომბერში, თითქმის ოცწლიანი პაუზის შემდეგ, საქართველოს პრეზიდენტის მიხეილ სააკაშვილისა და ელისო ვირსალაძის ინიციატივით, მუსიკის საერთა-

შორისო ფესტივალის თელავში განახლებული სახით (ასევე, სახელწოდებით) აღდგა. სპეციალურად ფესტივალისთვის სახელმწიფომ "Steinway & Sons"-ის საუკეთესო ორი საკონცერტო როიალი შეიძინა. წელს კლასიკური მუსიკის ფორუმი საქართველოს კულტურისა და ძეგლთა დაცვის სამინისტროს მხარდაჭერით ტარდება. გენერალური სპონსორია კომპანია "კავკასუს ონლაინი", რომელიც ფესტივალის ონლაინ ჩვენებას უზრუნველყოფს ვებგვერდზე [www.co.ge](http://www.co.ge).

18 ოქტომბერის კამერული მუსიკის კონცერტში მონაწილეობას მიიღებენ ელისო ვირსალაძე, ნატალია გუტმანი, ინგოლფ ტურბანი, ედუარდ ბრუნერი, ნოდარ ფვანია, გაა ქობულაშვილი, მიხეილ ქართველიშვილი, იანგ-ჯი ბაეკი, ჯაკო ლუომა, ზორა სლოკარი. პროგრამაში იქნება: მოცარტი - დივერტისმენტები KV 229 სი ბემოლ მაჟორი მოცარტი - კვინტეტი #K452 მი ბემოლ მაჟორი. ბეთჰოვენი - სეპტეტი თხზ. 20 სიმებიანი და ჩასაბერი ინს-

ტრუმენტებისათვის  
20 ოქტომბრის კონცერტზე შეეხვებით ისევ ელისო ვირსალაძეს, ინგოლფ ტურბანს, ნატალია გუტმანს, ნოდარ ფვანასა და მარია კაფორტეპიანო კვინტეტს. ხოლო 21 ოქტომბერს, ფესტივალის დასკვნით კონცერტზე შესრულდება მოცარტი - სინფონია კონცერტანტე შოპენი - კონცერტი ფორტეპიანოსა და ორკესტრისათვის #1 მი მინორი შუმანი - კონცერტი ვიოლინოსა და ორკესტრისათვის. მომავალ წლამდე ამ საღამოს გამოგვემშვიდობებინ ელისო ვირსალაძე, ლუკას ნიკოლაი ბლაჰერი ედუარდ ბრუნერი, გაა ქობულაშვილი, ჯაკო ლუომა, ზორა სლოკარი

ბილეთები იყიდება თბილისის ვანო სარაჯიშვილის სახელობის სახელმწიფო კონსერვატორიისა და თელავის ვაჟა-ფშაველას სახელობის სახელმწიფო დრამატული თეატრის საღაროებში.

# სიყვარული ბავშვული ჰეტი-ტრიკი

მსოფლიო ფეხბურთში სანაკრებო ბატალიების დრო დადგა. 16 ოქტომბერს 2014 წლის მუნდიალის შესარჩევი ციკლის მორიგი მატჩები გაიმართება, თუმცა, ამჯერად 12 ოქტომბერს, პარასკევს გამართულ მატჩებზე ვისაუბროთ და ის ხუთი მთავარი მომენტი გამოვყოთ, რომლებიც ამ თამაშებში იყო.

## ჯოანი ტრაპატონი ფიასკოს მიუახლოვდა

ირლანდია-გერმანიის მატჩის დაწყებამდე ევროპულ მედიაში ბევრს საუბრობენ ბუნდეს-ნაკრებში არსებულ დაძაბულ ვითარებაზე. გიოტცე და კროსი მეტ სათამაშო დროს ითხოვენ, შვიდმთავარი ყველას დაუპირისპირდაო... მოკლედ, ბუნდესნაკრებში განხეთქილება მომწიფდა. თუ გერმანია-ირლანდიის მატჩის შედეგით ვიმსჯელებთ (6:1 გერმანიის ნაკრების სასარგებლოდ), უნდა ვივარაუდოთ, რომ იოჯახში ლიოპმა გუნდში არსებული ყველა კონფლიქტი მოაგვარა. გერმანიის ნაკრებმა, რომელმაც სეზონი არგენტინის ნაკრებთან ამხანაგურ მატჩში განცდილი მარცხითა და ავსტრიისა და ფარერების არადამაჯერებელი დამარცხებით დაიწყო, ჯოჯოანი ტრაპატონის გუნდი მინასთან გაასწორა. ირლანდიის ნაკრებმა ამ მატჩში მხოლოდ 32 წუთს გაძლო. ირლანდიელთა კარში პირველი გოლი 32-ე წუთზე ტონი კროსმა გაიტანა. ამის შემდეგ გადის კიდევ ნახევარი საათი (საუბარია სათამაშო დროზე) და გერმანიის ნაკრებს უკვე ხუთბურთიანი უპირატესობა აქვს. ალბათ ამ თამაშის შემდეგ ჯოჯოანი ტრაპატონი ირლანდიური და ბრიტანული მედიის კითხვას კიდევ კარგა ხანს ვერ გაუბედავს. ის, რომ ტრაპატონის ხელში ირლანდიის ნაკრები ერთ ადგილზე "შუქსაობს", ირლანდიური მედიისთვის ფაქტია, მაგრამ ასეთი მარცხის პატივზე უკვე დაუშვებელია. ტრაპატონის მიერ ირლანდიის ნაკრებში დახრეგლ მოსაწყენ და დაცვაზე ორიენტირე-



პედრომ ბელარუსთან საუკეთესო თამაში აჩვენა

ბულ ფეხბურთის შედეგი აღარ მოაქვს. 73 წლის იტალიელი მწვრთნელი სრულ ფიასკოს მიუახლოვდა და იქნებ სულ მალე თანამდებობაც დაატოვებინონ.

## ბელგიის ნაკრები დღითი დღე იზრდება

უკვე ოთხი წელია, რაც ბელგიის ნაკრების ახალგაზრდული მემადგენლობა აღფრთოვანებას იწვევს, თუმცა, ეს ხდება მხოლოდ მანამ, სანამ საკვალიფიკაციო ეტაპის შედეგების დაჯამების დრო დადგება. 2014 წლის მსოფლიო ჩემპიონატის შესარჩევი ციკლის წინ ბელგიის ნაკრები მარკ ვილმოტსმა ჩაიბარა. ჯერჯერობით ბელგიური ფეხბურთის მამების ასეთი არჩევანი ამართლებს. სერბეთის ნაკრების განადგურება გასულით მატჩში (ტელავიამ ეს თამაში 3:0 მოიგო), შესაძლოა, სწორედ ის შედეგია, რომელიც ბელგიის ნაკრებს მსოფლიო

ჩემპიონატის საგზურს მოუტანს. თავად თამაშის შედეგი ოდნავ არალოგიკურია. სერბეთის ნაკრებს გოლის გატანის არარეალური რეალური შანსი ჰქონდა, მაგრამ ბელგიელთა კონტრეტეგებმა და მეკარე კურტუსმა იდეალურმა თამაშმა სერბეთის ნაკრები დასამარა. სრული კონცენტრაცია დაცვაში და მომენტების ასპროცენტინი გამოყენება - ეს ბელგიური ფეხბურთის ოქროს თაობის ფეხბურთელებს ყოველთვის აკლდათ. უკანასკნელი წლების განმავლობაში "ნითელ ემზაკებს" არარეალური მნიშვნელობის მატჩი ჰქონიათ, მაგრამ ეს გამარჯვება მაინც განსაკუთრებულია.

## ინგლისის ნაკრებს ეს სჭირდებოდა

ემლი კოულის გახმაურებული "ტივიტი", ჯონ ტერის გადადგომა, როი ჰოჯსონის სკანდალური გასაქონება ლონდონის მეტროში (ინგლისის ნაკრების მთავარმა მწვრთნელმა

მეტროში პირველივე შემხედვრს განუცხადა, რომ როი ფერდინანდის სანაკრებო კარიერა დასრულებულია) - ასეთი იყო ინგლისური ფეხბურთის ყოველდღიური უკანასკნელ ხანს და ინგლისის ნაკრებს დასამშვიდებლად დამაჯერებელი მოგება სჭირდებოდა. საბედნიეროდ, 2014 წლის შესარჩევი ციკლის მორიგ მატჩში ინგლისის მეტოქე სან მარინოს ნაკრები იყო და ფეხბურთის ფუქემდელებს ამ გუნდის გაცამტვერება არ გასჭირვებიათ. რუნდამ და უელბეკმა სეზონში პირველი სანაკრებო გოლები შეადგეს. ტომ კლევერლიმ ნაკრებში კიდევ ერთი ბრწყინვალე მატჩი გამართა. დაცვის ცენტრის ახალმა წევლმა ჯაგელკა-კეი-პილმა კი პრაქტიკისთვის დამატებითი 90 წუთი მიიღო. ალბათ ამაზე მეტს ერთი თამაშის ინგლისის ნაკრები ვერც მიიღებდა.

## შედროს საუკეთესო მატჩი ვერავინ ნახა

როგორც ჩანს, ესპანეთში ისეთი ფინანსური კრიზისია, რომ ქვეყანაში არ მოიძებნა ერთი ტელეკომპანიაც კი, რომელიც ბელარუს-ესპანეთის მატჩს იყიდდა. ამის გამო ალბათ ყველაზე მეტად დასწყდა გული "ბარსელონას" ფორვარდს პედროს, რომელმაც ესპანეთის ნაკრების შემადგენლობაში თავისი საუკეთესო მატჩი გამართა. სამი გატანილი გოლი და ქუსლით გაკეთებული საგოლე გადაცემა მატჩის შემდეგ ეისენტი დელ ბოსკე ლანძღვდა ესპანურ ტელევიზიებს, თუმცა, გულის სიღრმეში ალბათ ემაყოფილი იყო - საფრანგეთთან მატჩს მისი გუნდი იდეალურ ფორმაში ხედება. საქართველოში გაჭირვებით მოგებულ თამაშის შემდეგ ყველას და ყველაფრის ჩემპიონმა ბელარუსის ნაკრებს გადაუარა (ესპანეთთან თამაში ანგარიშში 4:0 მოიგო).

რაც შეეხება ბელარუსის ნაკრებს, რომელსაც 16 ოქტომბერს საქართველოს ეროვნული გუნდი ხედება, ამ გუნდის თამაშზე

ბევრს ვერაფერს ვიტყვით. უბრალოდ, ბელარუსთა ლიგერის, პედროს ყოფილი თანაგუნდელის ალექსანდრ გლეხის კომენტარს გაგაცნობთ: "აბა რა უნდა ვთქვა. გამოვდით და ჩავისვართ. კარგია, რომ ჩემს მეგობარ სესე ფაბრეგასს შევხვდი. თამაშზე რა უნდა მეთქვა. უბრალოდ მოვიკითხეთ ერთმანეთი და მაისურები გავცვალეთ".

## ლიონელ მესი მხოლოდ ბარსელონაში როდი თამაშობს კარგად

თუ თქვენ ისევ ფიქრობთ, რომ ლიონელ მესი მხოლოდ "ბარსელონაში" თამაშობს მაღალ დონეზე, დროა 2014 წლის მუნდიალის შესარჩევი ციკლში არგენტინის ნაკრების თამაშებს უყუროთ. "ბარსელონას" ვარსკვლავმა აგუეროსთან იდეალურად გამოიხატა საერთო ენა და მუსრის ავლებს ყველაფერს, რაც გზაზე ხედება. შაბათს ლიონელ მესის დუბლის წყალობით არგენტინის ნაკრებმა ანგარიშით 3:0 დაამარცხა ურუგვაის ეროვნული გუნდი. ეს მესის მეექვსე გოლია მერვე სანაკრებო მატჩში. შესარჩევი ციკლში არც ისე დამაჯერებელი სტარტის შემდეგ ალექსანდრო საბელიას გუნდი იდეალურ ფეხბურთს აჩვენებს, კარლოს ტევესის ადგილი კი ამ გუნდში, როგორც ჩანს, აღარ არის.

ურუგვაის ნაკრებისთვის ვითარება კიდევ უფრო დამძიმდა. საკვალიფიკაციო ეტაპის ხუთ მატჩში ტაბარესის შეგირდებმა მხოლოდ ერთი გამარჯვება მოიპოვეს. თითქმის ორი წელი ურუგვაი სამხრეთ ამერიკის საუკეთესო გუნდი იყო, მაგრამ ახლა, მესის წყალობით, წინ არგენტინა გაიჭრა, ლიონელმა კი დააღწა ყველა ის კრიტიკოსი, რომელიც ამბობდა, რომ მესი მხოლოდ "ბარსელონაში" თამაშობს მაღალ დონეზე და ნაკრებში თავს ზოგავს.

# ფორმულა 1 - ფინიშის სწორზე

## ბიბა ბარსაშვილი

ფორმულა 1-ის ჩემპიონატი ფინიშის სწორზე გავიდა. სეზონის დასრულებამდე ოთხი ეტაპი რჩება, ხოლო ერთი კვირის წინათ იაპონიის დიდ პრიზზე განვიტარებული მოვლენების წყალობით ჩემპიონობისთვის ბრძოლა მეტად გამწვავდა. "სუჟუკას" ტრასაზე დამაჯერებლად გაიმარჯვა რედბულელმა სებასტიან ფეტელმა, ხოლო მონინავე საფეხურზე მყოფი ფერნანდო ალონსოს "ფერარი" პირველივე მოსახვევში გამოეთიშა რბოლას, რამაც გერმანიის საშუალება მისცა ოთხ ქულამდე შეემცირებინა ესპანელთან ჩამორჩენა. კორეის დიდ პრიზზე ფეტელის დასამუხრუჭებლად ალონსოს სასწაული უნდა მოეხდინა, მაგრამ ასეთი რამ არ მოხდა. ჭაობში და მიყრუებულ სოფელ იონამში აგებულ ტრასაზე, რომელმაც მესამედ გააულო კარი სამეფო რბოლებს, იოლი არაავისთვის არაფერი არ იყო. გაუმართავი ინფრასტრუქტურის (რანზეც მუდამ წუნუნებენ საჯინიბოები) კომპენსაციას ახდენს ტრასის საინტერესო კონფიგურაცია, რომელიც მრბოლელებს გასწრების საშუალებას აძლევს. ეს ის არის, რის უკმარისობასაც განიცდიან ფორმულა 1-ის გულშემატკივრები.

კორეის დიდ პრიზის კვალიფიკაცია რედბულელმა მარკ უებერმა მოიგო. მეორე შედეგი ჰქონდა მის თანაგუნდელ ფეტელს, რამაც შეეცარია ბაზირებული გუნდი ძირითადი რბოლისთვის პირველ მწკრივ-

ში გააძნევა. პირველივე მოსახვევში პელოტონში მნიშვნელოვანი გადაადგილებები მოხდა. ლიდერობა ხელთ იგდო ფეტელმა, მაკლარენელ ლუის ჰამილტონთან ორთაბრძოლაში მესამე საფეხურზე გადაინაცვლა ალონსომ, რომელსაც კვალიფიკაციაში მეოთხე შედეგი ჰქონდა. ერთი საფეხური მოიგო "ფერარის" ბრაზილიელმა მესამე ფელიპე მასამ, რომელმაც კიმი რაიკონენის "ლოტუსს" გაასწორა.

...ფინიშამდე რამდენიმე წრით ადრე, ჭადრაკისებური ალმის აფრიალებამდე, მონინავეთა ათეულში სტაბილური მდგომარეობა იყო - მრბოლელების განლაგება არ შეცვლილა.

მსოფლიო ჩემპიონმა სებასტიან ფეტელმა რბოლა მოიგო და ჩემპიონთა დეავში პირველ საფეხურზე გავიდა. ახლა მასსა და უკვე ყოფილ ლიდერ ალონსოს შორის სხვაობა ექვსი ქულაა, რომლის ამოქაჩვა სკუდერიელთა ესპანელ მესამე ძალზე გაუჭირდება. როგორც ჩანს, "ნითელი ხარების" გერმანიელი მრბოლი ლიდერობას არ დათმობს. ეს სეზონი იმითაც გამოირჩევა, რომ გუნდები ძალიან ხშირად ახერხებენ მნიშვნელოვან პროგრესს, რაც მათი მანქანების კონკურენტუნარიანობაზე უმაღლეს ადასტურებს. ახლახან სწორედ ასეთი გარდევვა მოახერხა "რედ ბულმა", რამაც დიდწილად განაპირობა ფეტელის დანიშნულება.

ამ გარდევვის წყალობით, "რედ ბულმა" კონსტრუქტორთა პირველობაზეც შეძლო უპირატესობის მოპოვება. თუ სასწაული არ მოხდა, შეეცარა ული საჯინიბო ამჯერადაც საჩემპიონო დუბლით დასრუ-

ლებს სეზონს. კორეული რბოლა ერთადერთი ქულით დაასრულა მათმა ყოფილმა მთავარმა კონკურენტმა "მაკლარენმა", რომელსაც "ფერარიმ" გაასწორა. მომდევნო ეტაპს ორ კვირაში ინდოეთი უმსაძინდლებს.

## კორეის დიდი პრიზი

- იონგამი, 55 წრე
საერთო მანძილი 308.630 კმ. ტრასის სიგრძე 5.615 კმ.
1. სებასტიან ფეტელი (გერმანია, რედ ბული) 1:36:28.651
2. მარკ ვებერი (ავსტრალია, რედ ბული) +8.2
3. ფერნანდო ალონსო (ესპანეთი, ფერარი) +13.9
4. ფელიპე მასა (ბრაზილია, ფერარი) +20.1
5. კიმი რაიკონენი (ფინეთი, ლოტუსი) +36.7
6. ნიკო ჰულენბერგი (გერმანია, ფორს ინდია) +45.3
7. რომენ გროჟანი (საფრანგეთი, ლოტუსი) +54.8
8. ჟან-ერიკ ვერნი (საფრანგეთი, ტორო როსო) +69.5
9. დანიელ რიკიარდო (ავსტრალია, ტორო როსო) +71.7
10. ლუის ჰამილტონი (ბრიტანეთი, მაკლარენი) +79.6
11. სერხიო პერესი (მექსიკა, ზაუბერი) +80.0
12. პოლ დი რესტა (ბრიტანეთი, ფორს ინდია) +84.4
13. მიხაელ შუმხერი (გერმანია, მერსედესი) +89.2
14. პასკალ მალდონადო (ვენესუელა, უილიამსი) +94.9
15. ბრუნო სენა (ბრაზილია, უილიამსი) +96.9
16. ვიტალი პეტროვი (რუსეთი, კატერჰემი) +1 წრე
17. ჰეიკი კოვალაინენი (ფინეთი, კატერჰემი) +1 წრე
18. ტიმო გლოკი (გერმანია, მარუსია) +1 წრე
19. შარლ პიკი (საფრანგეთი, მარუსია) +2 წრე
20. ნარაინ კართიკეიანი (ინდოეთი, ისპანია) +2 წრე

- გ. კამუი კობაიში (იაპონია, ზაუბერი) +39 წრე
გ. პედრო დე ლა როსა (ესპანეთი, ისპანია) +39 წრე
გ. ნიკო როსბერგი (გერმანია, მერსედესი) +54 წრე
გ. ჯენსონ ბატონი (ბრიტანეთი, მაკლარენი) +54 წრე

## შენიშვნა: გ - გამოეთიშა უსწრაფესი წრე: მარკ ვებერი - 1:42.037, 54-ე წრე

## ჩემპიონთა დავა

- 1. სებასტიან ფეტელი - 215 ქულა; 2. ფერნანდო ალონსო - 209; 3. კიმი რაიკონენი - 167; 4. ლუის ჰამილტონი - 153; 5. მარკ ვებერი - 152; 6. ჯენსონ ბატონი - 131; 7. ნიკო როსბერგი - 93; 8. რომენ გროჟანი - 88; 9. ფელიპე მასა - 81; 10. სერხიო პერესი - 66; 11. კამუი კობაიში - 50; 12. ნიკო ჰულენბერგი - 45; 13. პოლ დი რესტა - 44; 14. მიხაელ შუმხერი - 43; 15. პასკალ მალდონადო - 33; 16. ბრუნო სენა - 25; 17. ჟან-ერიკ ვერნი - 12; 18. დანიელ რიკიარდო - 9

## კონსტრუქტორთა თასი

- 1. რედ ბულ-რენო - 367 ქულა; 2. ფერარი - 290; 3. მაკლარენ-მერსედესი - 284; 4. ლოტუს-რენო - 255; 5. მერსედესი - 136; 6. ზაუბერ-ფერარი - 116; 7. ფორს ინდია-მერსედესი - 89; 8. უილიამს-რენო - 58; 9. ტორო როსო-ფერარი - 21

## შპს „საფეხბურთო კლუბი სიონი“ აცხადებს განმეორებით აუქციონს:

შპს „საფეხბურთო კლუბი სიონის“ საკუთრებაში არსებულ შემდეგ ავტოსატრანსპორტო საშუალებებზე: მერსედეს-ბენც 0303, გამოშვების წელი 1987, ფერი თეთრი, ტიპი ავტობუსი; (ადგილმდებარეობა სამტრედიის მუნიციპალიტეტი, სოფ იანეთი); სახელმწიფო ნომრით AKA144; მერსედეს-ბენცი 508 D, გამოშვების წელი 1992, ფერი ყვითელი 4/8; ტიპი ავტობუსი; სახელმწიფო ნომრით GXG 778;

<b>მერსედეს-ბენც 0303</b>	
საწყისი გასაყიდი ფასი	1624 ლარი
ბეს ოდენობა	487,20 ლარი
მონაწილის ბილეთის ფასი და სავაჭრო ბიჯის ოდენობა	მონაწილის ბილეთის ფასი 10 ლარი ბიჯის ოდენობა 81,20 ლარი
მისამართი:	სამტრედიის მუნიციპალიტეტი, სოფ. იანეთი
<b>მერსედეს-ბენცი 508 D</b>	
საწყისი გასაყიდი ფასი	1204 ლარი
ბეს ოდენობა	361,20 ლარი
მონაწილის ბილეთის ფასი და სავაჭრო ბიჯის ოდენობა	მონაწილის ბილეთის ფასი 10 ლარი ბიჯის ოდენობა 60,20 ლარი
მისამართი:	ქ. ბოლნისის ადმინისტრაციის 19
განცხადების მიღების ადგილი:	ქ. ბოლნისი, ს.ს. ორბელიანის ქ. 115
საბანკო რეკვიზიტები:	ს/კ 225376189 ს.ს. ლიბერთი ბანკის, ბოლნისი ფილიალი; ბ/კ LBRTGE22 ა/ა GE97LB0113121674482003

აუქციონი ჩატარდება გაზეთში გამოქვეყნებიდან მე-11 დღეს (26 ოქტომბერი) მისამართზე ქ ბოლნისი ს.ს. ორბელიანის ქ115. განაცხადის მიღება წარმოებს გაზეთში გამოქვეყნებიდან მე-11 კალენდარული დღის 12 საათამდე (26 ოქტომბერი). იმ შემთხვევაში თუ განაცხადის მიღების მე-11 დღე და აუქციონის ჩატარების დღე დაემთხვევა არასამუშაო დღეს, მაშინ განაცხადების მიღება გაგრძელდება და აუქციონი ჩატარდება მომდევნო სამუშაო დღეს - ამ ცნობაში მითითებულ დროში.

## აუქციონში მონაწილეობის მიღება შეუძლიათ:

საქართველოს და უცხო ქვეყნის ფიზიკურ და იურიდიულ პირებს. აუქციონში მონაწილეობის მისაღებად რეგისტრატორს უნდა წარედგინოს შემდეგი დოკუმენტები: ა). „ბეს“ და მონაწილის ბილეთის ფასის შენატანის დამადასტურებელი საბანკო ქვითრები; ბ). პასპორტის ან პირადობის მოწმობის ასლი; გ). იურიდიული პირები დამატებით წარმოადგენენ ნოტარიულად დამოწმებულ სადამფუძნებლო დოკუმენტების ასლებს (ამონაწერი სამეწარმეო რეესტრიდან ბოლო მდგომარეობით), პარტნიორთა კრების ან სამეთვალყურეო საბჭოს სხდომის ოქმს. დ). ნოტარიულად დამოწმებული მინდობილობა, თუ მყიდველი მოქმედებს სხვა პირის სახელით.

ობიექტის შესახებ დამატებითი ინფორმაციისთვის შეგიძლიათ მიმართოთ ქ. ბოლნისი ს.ს. ორბელიანის ქ115, ტელ: 551 59 59 93; სააუქციონო კომისია;

# სონი, რუდი, ბარსელონა

## ზურაბ თალაკვაძე

ევროლიგა გაიხსნა. თავისი ფავორიტებით, არაფავორიტებით, ჩვენი პერსონალური ფავორიტებით, მანუჩარ მარკოშვილთან, ვიკა სანიკიძესთან და გიორგი შერმადინთან ერთად. ცსკა ისევ ცსკაა და ეტორე მესინას მილიონერებმა მოსკოვში "ლიეტუვოს რიტასთან" არითმიით ირბინეს, თითქმის აირტყეს და ცსკა მალე მოუმატებს. იქ მესინაა. იქ ნენად კრსტიჩია. იქ მაგარი კუში უნდა მოხსნან. "კანტუმ" თავის დარბაზში სადღაც ბურთი ვერ აიღო, შეცდომები შეცდომებით გადაფარა და "ოლიმპია" ვერ გამოიფრა (71:84). "კანტუდან" ცსკაში კარგი სერბი და "არმანიში" ჯანლუკა ბაზილე წავიდნენ. სერიოზული მინუსი. მარკოშვილმა 13 ქულა ჩაუშვა ყულაბაში. "სიენა" სხვა გუნდია. სანიკიძე ჯერ აზრზე მოდის. ვიკამ "ალბასთან" (82:92) 6 ქულა აიღო. "სიენა" გაიხსნება. უბრალოდ, ეს პროცესი ცოტა სწრაფად უნდა დაიწყოს. ან ძალიან სუსტი ჯგუფიდან ("მაკაბი", "უნიკასა", "ალბა", "პროკომი", "შალონი") შემდეგ ეტაპზე სხვები გაძვრებიან. გიო შერმადინმა 12 საჯარიმო გაუშვა, 9 ჩააგდო, ძალიან კარგი იყო. ნიკოლა მიროტიჩთან ერთად, გიომ ამ ტურში ყველაზე ბევრი საჯარიმო გაუშვა. მიროტიჩის შემდეგ ემირ პრელდჟიჩთან ერთად) შერმადინმა ყველაზე ბევრი საჯარიმო ზუსტად შეასრულა. ბონუსი. გიოც ბონუსია და შერმადინი გენიოსთან, დევიდ ბლაცთან თამაშობს. დევიდთან ერთად "მაკაბი" ბლაცია. მესინამ მილოშ ტეოდოშიჩს ყური უნდა აუწიოს. სერბმა "ლიეტუვოს რიტასთან" ზუსტ პასზე (3) მეტი შეცდომა (5) დაუშვა. დღეს პირველი ტურის სიმბოლური გავიაროთ. ჩვენი სიმბოლური და იდეაში, თქვენც უნდა მოგენონოთ. პირველ ხუთ კაცში ხუთი კარგი ბიჭი შევიდა.

### I. ზორან პლანინიჩი (ხიმკი)

**აილო: 17 ქულა, 8 პასი, 6 მოხსნა, 2 ჩაჭრა.**

ძველი "ნიუ ჯერსი" ჯეისონ კიდის პრივატული პროექტი იყო. კიდი ხსნიდა, ჭრიდა, ქაოსს ღამაში ჯაზით ფარავდა და იმ ქაოსში კიდისგან რაღაცებს ზორან პლანინიჩი ითვისებდა. ხორვატი ფლეიმიქერი კალათბურთის ვივალდისგან ამერიკულად აზროვნებას, კორექტულ აგრესიას და თვალეზით კაცის მოტეხვას სწავლობს. ამერიკაში ზორანი სამი სეზონით რჩება და მერე ინყება მომთაბარე მილიონერის ევროკარიერა. ორი კარგი სეზონი ესპანეთში, ტაუსთან ერთად. ორი ისე რა სეზონი რუსეთში, ცსკასთან ერთად. ორი ნორმალური სეზონი იქვე, რუსეთში, "ხიმკისთან" ერთად და ამ ევროლიგას პლანინიჩი პატარა აკუსტიკური შედევრით ხსნის. მშვიდად, ისე რომ სხვები არ შეანუხოს, ხორვატი 31 ნუთში თითქმის ყველაფერს აგდებს თამაშიდან (10/7 2 pts, 1/1 3 pts) და თითქმის კიდი. "ხიმკი" რამდენიმე მონაკვეთი ვერ გაქაჩა, ზარმაცი ოროსანივით ირბინა და იმ მომენტში "ფენერბახჩემ" გადახია ზორანის გუნდი. შარშან პლანინიჩი ევროტასის პირველი კაცი იყო.



სონი უიმსმა "ლიეტუვოს რიტასთან" ბოლო ორ ნუთში აკრიფა

ევროლიგის შემდეგ ყველაზე პრესტიჟულ საკალათბურთო უბანში ზორანმა ფინალის MVP ნამოილო, "ხიმკიმ" ტურნირი მოიგო და პლანინიჩმა კარგი კონტრაქტი მიიღო. "ხიმკი" მეორე ეშელონის კარგი გუნდია. ზორანი ყველა დონეზე კარგი ბიჭია. ჯეისონ კიდის აკადემიიდან სულ კარგი ბიჭები მოდიან.

### II. რუდი ფერნანდესი (რეალი)

**აილო: 23 ქულა, 4 მოხსნა, 3 ჩაჭრა, 1 პასი, 1 დაფარება**

ფერნანდესმა თავისი გუნდი გაშანსა. რუდი ქულების მანქანა, სადისტი სლეშერი და უნივერსალი ტიპია. ესპანეთის ნაკრებში ეს მიქსტი პო გასოლის ლექციებით, მეორე გასოლის კუნთებით, სენიორ კალდერონის თვალებით და ნავაროს სროლით იფარება. იქ რუდი მეოთხე, მეხუთე ოფიცია და მაინც ძალიან საჭირო, ყველა ვარიანტში გასასროლი ტყვიანა. ამერიკაში ფერნანდესი შუთერი გახდა. შუთერი არაშუთერის ინტელექტით და ნორმალური ჯიბის ფულით (2.5 მილიონი დოლარი). პირველ სამ სრულ ამერიკულ სეზონში ("პორტლენდში") ფერნანდესს უფრო მეტი სამიანი აქვს ნასროლი, ვიდრე - არასამიანი (2008/09 - 159:109, 2009/10 - 98:62, 2010/11 - 116:97). შარშან ბიჭი "დენვერში" გაცვალეს და რუდი ვერ გაიხსნა, სწრაფ გუნდში ერთჯერადი პერსონაჟი იყო. ფერნანდესმა ესპანეთის ნაკრებში გამოცდილება, ამერიკული ბოლმა და დიდი დოზით უნივერსალიზმი პატარა ზურგჩანთაში ჩაყარა და "რეალში" დაბრუნდა. "რეალმა" რუდის ამერიკაში გაფიცვის დროს დაუძახა და ფერნანდესმა წინა ევროლიგის 8 ტესტში 11.5 ქულა დასვა, ევრობასკეტს შეეჩვია, "რეალი" გაიცილა. ეს ფერნანდესი უკეთესია. "რეალი" რუდის გუნდია. "პანათინაიკოსთან" "რეალმა" ცუდი პირველი ტაიმის (35:44) მერე მოუმატა და 85:78 მიანგრია მწვანე გუნდი. რუდემ 15/8 სროლა გამოიყენა, დაცვაში ბრიუს ბოუენი იყო. ფერნანდესი ამ ევროლიგის კირილენკო იქნება. "რეალმა" უნდა მოუმატოს.

### III. სონი უიმსი (ცსკა)

**აილო: 14 ქულა, 2 პასი, 1 მოხსნა, 1 დაფარება**

შარშან, 23 ნოემბერს, სონი უიმსმა ცსკას 22 ქულა აარტყა. ის უიმსი "ჟალგირისში" აგვარებდა ბევრ რაღაცას. იმ უიმსს

"ჟალგირისი" ებარა და ის უიმსი იმ უბანში იდგა. ძველი ცსკა კირილენკოს ინტელექტის და შედეგის სწრაფი აზროვნების ნაპალმი იყო. ის ნაპალმი ფინალში "ოლიმპიაკოსმა" გადაფარა და კირილენკო ამერიკაში ("მინესოტაში") წავიდა. თან შევიდოც ნაიყვანა. და ცსკა შეიცვალა. დააბრუნეს მწვრთნელი გენიოსი-დიქტატორი იტალიელი ეტორე მესინა. იყიდეს აარონ ჯექსონი. მანუჩარ მარკოშვილს ნაართვეს ვლადიმირ მიცოვი. თურქეთიდან ბოსებს წამოაღებინეს ზორან ერჩეგი. მილაოდან მოდის დრიუ ნიკოლასი. რამდენიმე სერიოზული კაცი გუნდში დარჩა და მესინამ უიმსიც შეუკვეთა. და სონი მოსკოვშია. მესინამ როტვეილერი მიიღო.

"ლიეტუვოს რიტასს" ცსკამ მშვიდად უნდა უგებდეს. ცსკამ თითქმის ნააგო და ევროლიგის ფავორიტი უიმსმა გადაარჩინა. ბოლოსწინა ნუთი, "რიტასი" 71:67 იგებს. უიმსმა აიღო ბურთი, დაიძრა სამწამიანში, შევიდა, ისროლა, ჩააგდო, მიარტყეს - 69:70+1 ფოლი ლეონ რადოშევიჩს. უიმსმა ის ქულაც აიღო და ცსკა 1 ქულას აგებს. "რიტასის" შეცდომის შემდეგ ბურთი უიმსთან მიდის. სონი ასიანია - 72:71, ცსკა იგებს. "რიტასის" ლიდერი, სეიბუტისი, სამიანზე ადის და უიმსმა სეიბუტისის დაუფარა. სონიმ ერთი საჯარიმოც ათიანში გაუშვა. 6 ქულა ბოლო ნუთ-ნახევარში. **Brutal.** **AS always.** სონი უიმსის თემა. ცსკამ ის თამაში 75:73 ნამოილო.

### IV. ემირ პრელდჟიჩი (ფენერბახჩე)

**აილო: 20 ქულა, 4 მოხსნა, 3 პასი, 2 ჩაჭრა.**

"ფენერი" ევროლიგის "ჩელსია". ძველი "ჩელსია", რომანი მილიონებით რომ აწყობდა. ან ახალი "მანჩესტერ სიტი", რომელიც თითქმის ის "ჩელსია". პრელდჟიჩი ამ გუნდის მეორე ხუთეულში ზის. ნორმალური ფორვარდი კარგი ფეხებით და ბიჭი ფიქრობს, კლასიკურ ევრობასკეტს უბერავს. "ხიმკისთან" ფორვარდმა დაგლიჯა ზონური დაცვა, ჩააგდო ჩასაგდები (4/4 საშუალო, 2/1 სამიანი, 10/9 საჯარიმო) და ევროლიგამ ემირს MVP აჩუქა. ევროლიგაზე პრელდჟიჩი სულ "ფენერშია" (2007/08-today). შარშან ძალიან ცუდი სეზონი ჰქონდა - 36/9 (25.0 %) სამიანი, 64/22 (34.4) თამაშიდან, პასიური, უმუღამო დაცვა. პრელდჟიჩი ცოტა პასიური, ცოტა უემო-

ციო იყო და მერე ბევრი რაღაც შეიცვალა. გაიზარდა ემირის დრო თურქეთის ნაკრებში. ევრობასკეტში, საკვალიფიკაციოზე, ემირმა 30.1 ნუთში 9.4 ქულა, 5.0 პასი და 2.9 მოხსნა აკრიფა. 5.0 პასი ფორვარდისთვის მთქმელი თემაა. ემირი სოლიდურ დროში 1.3 შეცდომას უშვებს. აკურატული **bastardo**. პრელდჟიჩი იტალიასთან ორივე ტესტში კარგია. თურქეთში ორივე 40 ნუთი ნააგო, მაგრამ ემირმა შეასრულა - 14+4 პასი+3 მოხსნა და 12+4 პასი+3 მოხსნა. პროცესში, დანილო გალინარის დისკომფორტს უქმნიდა. ემირი რეალური და საინტერესო პერსონაჟია. "ფენერში" ბევრი ჯოკერი დაირტყეს. "ფენერმა" "ხიმკი" 92:80 დალენა.

### V. ანტე ტომიჩი (ბარსელონა)

**აილო: 12 ქულა, 9 მოხსნა, 4 პასი, 2 დაფარება, 1 ჩაჭრა.**

"რეალში" ტომიჩი კლასიკური მეხუთე ნომერია. "ბარსელონაში" ტომიჩი კარგად გაერთობა. პირველ ხუთეულში ანტესთან პროფესორი ერაზემ ლორბეკი დგას. ლორბეკი კლასიკაა. მეორე ხუთეულიდან ტომიჩს ნეთ ჯავიცი ცვლის და "ბარსელონაში" ინტელექტს ოვალური აგრესიით (ნეთის ფოტო დაგულეთ) ცვლის. "ბარსელონაში" ევროსადილზე მთავარი სადღევრძელოს თქმა მონატრათ და თუ ეს გუნდი არ დაილენება და ოთხთა ფინალამდე მივა, იქ "ბარსელონა" ხერხით ბევრ საინტერესო სადღევრძელოს იტყვის. მონატრების, კარგი ბიჭების და მეგობრების და თუ ანტე თავის კალათბურთს ითამაშებს, ბოლო სადღევრძელო მისტერ ტომიჩის იქნება. "რეალიდან" ბარსელონაში წამოსვლა კალათბურთში ფეხბურთით არ პიარდება. გადახვედი? მოსულა, ითამაშე, მიდი, შეუბერე. ტომიჩმა კარგად გახსნა სეზონი. "ბარსელონა" ჩვეულებრივ "ბროზეზე" გავიდა და ხავიერ პასკუალმა ყველა თამაშა. ტომიჩმა 10/5 სროლა ჩასვა და არასრულ 25 ნუთში შეცდომა არ დაუშვა. ბრავო!

"ბარსელონაში" დგანან ხუან ნავარო, ჯო ინგლესი, სი ჯეი უოლასი, მარსელინიო უერტასი, ვიქტორ სადა, შარუნას ისიკიავიჩუსი და პიტ მიკელი. ტომიჩი კარგ გუნდში მივიდა. კარგი პერსპექტივით და კარგი ქეშით. დანარჩენს დრო მოიტანს. "ბარსელონა" "ბროზესთან" გაერთო, 72:60 მოიგო და ნაკლები დასვა.

### A გგუფი: კანტუ-ოლიმპია 71:84, ფენერბახჩე-ხიმკი 92:80, რეალი-პანათინაიკოსი 85:78.

### B გგუფი: სიენა-ალბა 82:92, შალონი-პროკომი 81:74, ოლიმპიაკოსი-კახა ლაბორალი 85:81.

### C გგუფი: ჟალგირისი-ჩედევიტა 90:62, არმანი-ეფეს პილზენი 80:75, ოლიმპიაკოსი-კახა ლაბორალი 85:81.

### D გგუფი: ცსკა-ლიეტუვოს რიტასი 75:73, ბარსელონა-ბროზე 72:60, ბემიქთაში-პარტიზანი 81:65.

**ცინცაძის მეოთხე გამარჯვება**  
გიორგი ცინცაძის გუნდმა უკრაინის სუპერლიგაში მორიგი გამარჯვება მოიპოვა. კიევის "ბუდიველიკმა" ამჯერად ივანა ფრანკოვსკის "გოვერლა" 92:84 დაამარცხა და უკრაინის ჩემპიონატს დაუმარცხებლად, ზაპოროჟიეს "ფეროსთან" ერთად ლიდერობს. "ბუდიველიკის" მსგავსად, ოთხი მატჩიდან ოთხი გამარჯვება აქვთ ევროლეგებსაც და ეს გუნდები I-II ადგილებს იყოფენ. "გოვერლასთან" მატჩში ცინცაძემ 16:22 ნუთს ითამაშა. ქართველი უკანახაზელი ამჯერად სასტარტო ხუთეულში არ იყო. ცინცაძემ 4-დან 4 საჯარიმო და 3-დან 2 ორიანი ჩააგდო, 2 სამიანი კი ააცილა. შედეგად, საქართველოს ნაკრების წევრმა 8 ქულა დააგროვა, რასაც 3 მოხსნა, 2 პასი და 2 ჩაჭრა მოაყოლა, ბურთი კი ერთხელ დაკარგა. კიეველთან 21 ქულით საუკეთესო იყო ლეო ლაიონსი. მომდევნო ტურში ცინცაძის გუნდი "გალიჩინას" შეხვდება. მატჩი კიევიში, 14 ოქტომბერს გაიმართება.

**რობინოს "მილანში" დარჩენა სურს**  
ბრაზილიის ნაკრებისა და იტალიური "მილანის" ფორვარდმა კომენტარი გააკეთა მის შესახებ ტრანსფერზე "სანტოსში". "სანტოსთან" ბრწყინვალე ურთიერთობა მაქვს, მაგრამ ზუსტად არ ვიცი, იყო თუ არა რეალური შეთავაზება ამ გუნდიდან. "მილანში" თავს კარგად ვგრძნობ და კიდევ ათი წლის განმავლობაში სიამოვნებით დავრჩებოდი ამ გუნდში. აქ ყველა პირობას გიქმნიან იმისთვის, რომ თავი მეფედ იგრძნო. ამიტომ არ მესმის ზღაღან იბრაჰიმოვიჩის, რომელმაც "მილანი" პსუ-ზე გაცვალა", - აცხადებს რობინო.

### ბუფონი და ჯოვანიკო დანიასთან საეჭვოა

იტალიის ეროვნული ნაკრების მეკარეს ჯანლუიჯი ბუფონს და იტალიელთა ნახევარმცველ სებასტიან ჯოვანიკოს ტრავმები ანუხებთ. შესაძლოა, ამ დუეტმა დანიასთან მსოფლიოს 2014 წლის ჩემპიონატის საკვალიფიკაციო ეტაპის მატჩი გამოტოვოს. 34 წლის მეკარეს კუნთი ანუხებს. სავარაუდოდ, "სკუადრა აძურას" თავკაცი ჩეზარე პრანდელი ბუფონს დასვენების საშუალებას მისცემს. თანაც, კვირის თავზე, ტურინის "იუვენტუსს" მნიშვნელოვანი მატჩი ელის "ნაპოლისთან" და ვეტერან მეკარეს ტრავმის გართულება არ სურს. დანიასთან სამშაბათს გასამართ მატჩში, სავარაუდოდ, ბუფონის ადგილს მორგან დე სანკტისი ან სალვატორე სირიგუ დაიკავებს.

### მოურიჩიო "ბარსელონასა" და "რეალის" შესახებ

სანაკრებო პაუზით ისარგებლა "რეალის" მთავარმა მწვრთნელმა ჟოზე მოურიჩიომ და მოკლე კომენტარი გააკეთა "რეალისა" და "ბარსელონას" შესახებ. "არ ვამბობ, რომ "რეალი" "ბარსელონაზე" უკეთესია, თუმცა, უარესიც რომ არ არის, აშკარაა. ეს ორი გუნდი ერთ დონეზეა. უბრალოდ, მათ სხვადასხვა სათამაშო სტილი აქვთ", - ამბობს მოურიჩიო.

### 35 მილიონი ვენგერისთვის

ლონდონის "არსენალს" რომ გაძლიერება სჭირდება, ეს აშკარაა. თუ ლონდონურ გრანდს ინგლისის ჩემპიონობისთვის ბრძოლა სურს, ზამთრის სატრანსფერო პერიოდში რამდენიმე ფეხბურთელი მაინც უნდა დაიმატოს. ბრიტანული გამოცემის, Daily Mail-ის ინფორმაციით, "მეთოფებს" ზამთრის სატრანსფერო პერიოდში ტრანსფერებზე 35 მილიონი გირვანქა ექნებათ. არსენ ვენგერს ჯერ არ გადაუწყვეტია, კონკრეტულად რომელ ფეხბურთელზე შეაჩერებს არჩევანს. ჯერჯერობით ცნობილი მხოლოდ ის არის, რომ "მეთოფებს" შემტევი ხაზის გაძლიერება სურთ. პრემიერლიგის მიმდინარე სეზონში, 7 ტურის შემდეგ, "არსენალი" მე-7 ადგილზეა და ლიდერ "ჩელსის" 7 ქულით ჩამორჩება.

### მასკერანო: "მესისტან თამაში პრივილეგიაა"

არგენტინის ნაკრებისა და "ბარსელონას" ფეხბურთელი ხავიერ მასკერანო აცხადებს, რომ ლიონელ მესისტან თამაში პრივილეგიაა. "ჩვენ ყველა გავგიმართლა, რომ მესის გვერდით ვთამაშობთ. მე გავიზარდე დიეგო მარადონას ფეხბურთზე და ვთამაშობ ლიონელ მესის გვერდით. ეს უდიდესი პრივილეგიაა, რომლითაც ერთეულები სარგებლობენ", - განაცხადა მასკერანომ არგენტინურუგვანის მატჩის შემდეგ, რომელიც "ალბისელესტემ" მესის დუბლის წყალობით ანგარიშით 3:0 მოიგო.

### ბუკმეკარება ბელარუს-საქართველოსთვის კოეფიციენტები გამოყარეს

ესპანეთთან 4:0 ნაგებული მატჩის შემდეგ ბელარუსის ნაკრების თავკაცმა გეორგი კონდრატიევმა განაცხადა, რომ საქართველოს ნაკრებს შემტევ ფეხბურთს დაუპირისპირებენ და მხოლოდ გამარჯვებისთვის ითამაშებენ.

ფინეთთან 1:1 დასრულებული შეხვედრის შემდეგ საქართველოს ნაკრების მთავარმა მწვრთნელმა თემურ ქეცბაიამ სფფ-ის ოფიციალურ ვებგვერდთან საუბარში აღნიშნა: "ბელარუსში უფრო რთული მატჩი გველის. მთავარია, ფეხბურთელებმა კარგად დაისვენონ. ისინი კი, ვისაც დღეს არ უთამაშია, უკეთ მოემზადონ.

...იმედია, დარჩენილ სამ დღეში ამას შევძლებთ - გავალთ და მომდევნო თამაშს მოვიგებთ. თანაც, ბელარუსეები ისევ უჭეულოდ არიან და თუ 16-ში წარმატებას მივალნენ, მიზანი ნაწილობრივ შესრულებული გვექნება და ჯგუფში მესამე ადგილზე დავმკვიდრდებით".

ამასობაში ბელარუს-საქართველოს 16 ოქტომბრის მატჩის წინ მსოფლიო საბუკმეკარო კანტორებმა კოეფიციენტები გამოაქვეყნეს. აქაც, ისევე როგორც ფინეთთან, ამ მხრივ დიდი ცვლილებები არ არის - მასპინძლები ფავორიტები არიან. საქართველოს შესაძლო მოგება კი 3,3-დან 4,0-მდე მერყეობს.

ბელარუს-საქართველოს მატჩს ავსტრიელ მსაჯთა ბრიგადა მოემსახურება. მთავარი მსაჯი რობერტ შიორგენჰოფერი იქნება.

მატჩი 16 ოქტომბერს თბილისის დროით 20 საათზე მინსკის "დინამოს" სტადიონზე დაიწყება.

bet-at-home:	1,85 3,35 4,0
bwin:	1,9 3,35 4,0
ladbrokes:	2,0 3,3 3,75
william hill:	2,15 3,1 3,4
unibet:	2,1 3,3 3,3
sportingbet:	1,95 3,4 3,8



## "იბერია-სტარი" ოთხთა ფინალშია

ფუტსალში საქართველოს ჩემპიონმა "იბერია სტარმა" ელიტ-რაუნდის ჯგუფური ტურნირის ბოლო შეხვედრაში დაამარცხა ლისაბონის "ბენფიკა" - 7:4 და უეფას ფუტსალის თასის ოთხთა ფინალში გავიდა. თბილისურ ელიტ-რაუნდში ოთხი გუნდი მონაწილეობდა: "იბერია სტარი", "ბენფიკა", უნგრული "დიორი" და იტალიური "ლუპარენსე". იბერიელებმა პირველ ტურში იტალიელები გაანადგურეს - 6:1, შემდეგ კი უნგრელებთან ფრედ დაასრულეს შეხვედრა - 2:2.

ბოლო ტურის წინ ისეთი მდგომარეობა შეიქმნა, რომ "ბენფიკასთან" შედეგიანი ფრის შემთხვევაში ოთხთა ფინალში პორტუგალიელები გადიოდნენ. 0:0, 1:1 ან 2:2-ზე კი უნგრელები. შესაბამისად, საქართველოს ჩემპიონს მხოლოდ გამარჯვება სჭირდებოდა. ბრაზილიელებით დახუნძლულმა "იბერია სტარმა" თავიდანვე შეუტია მეტოქეს და მატჩის დებიუტში დანიშნულა. პორტუგალიელებმა, რომლებიც ფიფას რეიტინგში პირველ ადგილზე არიან, გაათანაბრეს ანგარიში, მაგრამ იბერიელებმა პირველი ტაიმის დასრულებამდე კიდევ სამჯერ აიღეს მეტოქის კარი, რასაც "ბენფიკამ" ერთი გოლით უპასუხა და ტაიმი საქართველოს ჩემპიონის გამარჯვებით - 4:2 დასრულდა.

მეორე ნახევარი მასპინძელთათვის ცუდად დაიწყო. პორტუგალიელებმა ანგარიშის გათანაბრება მოახერხეს (4:4)



და ამ შედეგით სწორედ ისინი გადიოდნენ ოთხთა ფინალში. თუმცა, იბერიელთა აქტიურობამ შედეგი გამოიღო. ხელით თამაშისთვის პორტუგალიელთა კარში პენალტი დაინიშნა, რომელიც ზუსტად გამოიყენა აუგუსტომ. ამ გოლით მან დუბლი შეასრულა (სულ ტურნირზე 4 გოლი გაიტანა) და საქართვე-

ლოს ჩემპიონი დანიშნულდა 5:4. "ბენფიკა" იძულებული გახდა შეტევაზე გადასულიყო, რითაც იბერიელებმა კარგად ისარგებლეს და თამაშის დასრულებამდე კიდევ ორჯერ აიღეს მეტოქის კარი. საბოლოო ჯამში, "იბერია სტარმა" - 7:4 მოიგო, ჯგუფში პირველ ადგილზე გავიდა და ოთხთა ფინალის საგ-

ზური მოიპოვა.  
ეს ქართული გუნდისთვის დიდი გამარჯვებაა. ოთხთა ფინალში საქართველოს ჩემპიონთან ერთად ითამაშებენ ესპანეთის "ბარსელონა", მოსკოვის "დინამო" და ყაზახეთის "კაირათი".

**უცნობი გრიგოლ რობაქიძე**

დაგვიკავშირდით:  
თბილისი, ილია ჭავჭავაძის გამზ. N5  
ტელ: (+995 32) 2 25 05 22  
(+995 32) 2 91 22 83  
(+995 32) 2 47 55 54  
artanuji@artanuji.ge  
[www.artanuji.ge](http://www.artanuji.ge)

[www.artanuji.ge](http://www.artanuji.ge)

## გამომცემლობა არტანუჯი

### პირველად

### გრიგოლ რობაქიძის უცნობი შემოქმედებითი მემკვიდრეობა ქართულ ენაზე

